

10000

汾陽縣志卷之六

人物

張成紀侯濟字士度西河人也父千秋慕容永驍騎將軍永滅來奔太祖善之拜建節將軍賜爵成紀侯隨征伐累著功績登國末卒濟涉獵書傳清辯美儀容相愛之引侍左右與公孫表等俱爲行人拜散騎侍襲爵先是姚興遣將攻洛陽司馬德宗雍州刺史楊期遣使乞師於常山王遵遵以狀聞太祖遣濟爲遵從事中郎報之濟自襄陽還太祖問濟江南之事濟對曰司馬昌明死子德宗代立所部州鎮迭相攻擊今雖小

(3480)

定君弱臣彊全無綱紀臣等既至襄陽佺期間臣魏初
伐中山幾十萬衆臣荅三十餘萬佺期曰魏國被甲戎
馬可有幾匹臣荅中軍精騎十有餘萬外軍無數佺期
曰以此討羌豈足滅也又曰魏定中山徙幾戶於北臣
荅七萬餘家佺期曰治在何城臣荅定都平城佺期曰
有如許大衆亦何用城爲又曰魏帝爲欲久都平城將
復遷乎臣荅非所知也佺期聞朝廷不都山東貌有喜
色曰晉魏通和乃在往昔非唯今日羌寇狡獪頻侵河
洛夙夜憂危今此寡弱倉庫空竭與君便爲一家義所
無諱洛城救援仰恃於魏若獲保全當必厚報如其爲
羌所乘寧使魏取臣等欲分向揚州佺期曰蠻賊互起
水行甚難魏之軍馬已據滑臺於此而還從北道東下
乃更便直晉之法制有異於魏今都督襄陽委以外事
有欲征討輒便興發然後表聞令朝廷知之而已如其
事勢不舉亦不承臺命太祖嘉其辭順乃厚賞其使許
救洛陽後遷謁者僕射報使姚興以累使稱旨拜勝兵
將軍頻從車駕北伐濟謀功居多賞賜奴婢百口馬牛
數百羊二十餘口天賜五年卒子多羅襲爵坐事除

右北魏一人舊志鄉賢首列晉王延北燕宋隱按王
延仕劉聰雖見晉書孝友傳不當繫之晉今別見義

行宋隱魏書稱西河介休人已屬推本言之隱曾祖
爽晉昌黎太守後爲慕容廆長史祖活中書監父恭
尚書徐州刺史慕容儁徙鄴恭遂家於廣平列人隱
雖以孝聞然不能終事一主且自其父家列人不當
列入縣之鄉賢

宋右臺務光字子昂一名烈汾州西河人舉進士及第
調洛陽尉遷右衛騎曹參軍神龍元年大水詔文武九
品以上官直言極諫務光上書曰后王樂聞過罔不興
拒諫罔不亂樂聞過則下情通下情通則政無缺此所
以興也拒諫則羣議壅羣議壅則上孤立此所以亂也

臣嘗觀天人相與之際有感必應其間甚密是以政失
於此變生於彼易曰天垂象見吉凶聖人象之竊見自
夏以來水氣勃戾天下多罹其災洛水暴漲漂損百姓
傳曰簡宗廟廢祠祀則水不潤下夫王者卽位必郊祀
天地嚴配祖宗自陛下御極郊廟山川不時薦見又水
者陰類臣妾之道氣盛則水泉溢頂虹蜺紛錯暑雨滯
霍陰勝之沴也後廷近習或有離中饋之職以干外政
願深思天變杜絕其萌又自春及夏牛多病死疫氣浸
淫傳曰思之不睿時則有牛禍意者萬機之事陛下未
躬親乎晁錯曰五帝其臣不及則自親之今朝廷賢佐

雖多然莫能仰陛下清光願勤思法宮凝就大化以萬方爲念不以聲色爲娛以百姓爲憂不以犬馬爲樂臣聞三五之君不能免淫亢顧備禦存乎人耳災興細微安之不怪及禍變已成駭而圖之猶水決治防病困求藥雖復黽勉尙何救哉夫寒變應天實繫人事今霖雨卽閉坊門豈一坊一市能感發天道哉必不然矣故里人呼坊門爲宰相謂能節宣風雨天工人代乃爲虛設又數年以來公私匱竭戶口減耗家無接新之儲國乏俟荒之蓄陛下近觀朝市則以爲旣庶且富試踐閭陌則百姓衣馬牛之衣食犬彘之食十室而九丁壯盡於邊塞孀孤轉於溝壑猛吏奮毒急政破資馬困斯佚人窮斯詐起爲姦盜從而刑之良可歎也今人貧而奢不息息法設而僞不止長吏貪冒選舉以私稼穡之人少商旅之人衆願坦然更化以身先之凋殘之後緩其力役久弊之極訓以敦龐十年之外生聚方足臣聞太子者君之貳國之本所以守器承祧養民贊業願擇賢能早建儲副安社稷慰黎元姻戚之間謗議所集積疑成患憑寵生災愛之適以害之也如武三思等誠不宜任以機要國家利器庸可久假於人祕書監鄭普思國子祭酒葉靜能挾小道淺術列朱紫取銀黃虧國經悖天道

書曰制治於未亂保邦於未危此誠治亂安危之秋也願陛下遠佞人親有德乳保之母妃主之家以時接見無令媿黷疏奏不省俄以監察御史巡察河南道時滑州輸少而封戶多每配封人皆亡命失業務光建言通邑六都不以封今命侯之家專擇雄粵滑州七縣而分封者五王賦少於侯租入家倍於輸國請以封戶均餘州又請食賦附租庸歲送停封使息傳驛之勞不見納以考最進殿中侍御史遷右臺嘗薦汝州參軍事李欽憲後爲名臣卒年四十二

宋總管之悌汾州人之悌長八尺以驕勇聞開元中歷劍南節度使太原尹嘗坐事流朱鳶會蠻陷驩州投總管擊之募壯士八人被重甲大呼薄賊曰獠動卽死賊七百人皆伏不能興遂平賊

右唐二人舊志鄉賢列宋務光宋友文二人友文卽令文之訛宋令文今別見文苑

楊團練使瓊汾州西河人幼事馮繼業以材勇稱太宗召置帳下卽位隸御龍直三遷神勇指揮使從征太原以勞補御龍直指揮使雍熙初改弩直都虞侯兼御前忠佐馬步都軍頭領隰州刺史淳化中李順叛蜀瓊往夔峽擒賊招安領兵自峽上與賊遇累戰抵渝合與尹

元裴莊分路進討克資普二州雲安軍斬首數千級詔書嘉獎遣使卽軍中真拜單州刺史至道初召還供職明年徙知霸州兼鈐轄未幾改防禦使靈慶路副都部署河外都巡檢使賊累寇疆瓊固捍有功導黃河溉民田數千頃敗賊於合河鎮北獲人畜無算賊騎五百掠城下擊破之追北三十里並賜詔嘉諭咸平二年命爲涇原儀渭邠寧環慶清遠軍靈州路副都部署尋徙鎮定高陽關三路押策先鋒屯定州之北明年副王超爲鎮州都部署再遷環慶徙定州四年召還以鄜州觀察使充靈環十州軍副都部署兼安撫副使嘗遣使諭旨賊若寇清遠及青岡白馬寨卽合兵與戰是秋果長圍清遠頓積石河清遠屢走間使詣瓊請師瓊將悉出兵爲援鈐轄內園使馮守規都監崇儀使張繼能曰敵近重兵在前繼無以進不可悉往乃止命副部署海州團練使潘璘都監西京右藏庫劉文質率兵六千赴之寇鼓兵攻南門其子阿移攻北門堙濠斷橋以戰瓊遣鈐轄李讓督精兵六百往援至則城陷矣賊泊青岡城下順州刺史王瓌普謂瓊曰青岡地遠水泉非屯師計願棄之瓊合謀焚芻糧兵仗驛老幼以出退保洪德寨寇咸浸熾未嘗交一鋒事聞於上傳召瓊繫御史獄治

當死兵部尚書張齊賢等議請如律詔特貸命削官流
崖州明年移道州景德初起爲右領軍衛將軍分司西
京累遷左領軍衛大將軍領賀州團練使知兗州有州
卒自言得神術能飛行空中州人頗惑瓊捕至折其足
奏戮之五年卒年六十七錄其子舜臣爲奉職長子舜
賓內殿崇班閤門祇候

李都監渭字師望汾州西河人後家河陽進士起家爲
臨潁縣主簿累官至太常博士會河決滑州天聖初上
治河十策叅知政事魯宗道奉詔行河奏渭換北作坊
副使與張君平並爲修河都監未幾皆罷以渭爲郟州

兵馬都監徙知憲州又知鳳州兼階成州鈐轄初屬戶
寇陷階州沙灘寨渭至詰所以然者乃都校趙釗擾之
奏流釗道州以恩信諭酋帥復其寨遷軍器庫副使歷
知原環慶三州時詔舉勇畧任邊者李諮以渭應詔徙
益利路兵馬鈐轄領惠州刺史遷東入作使擢西上閣
門使徙鄜延路再遷四方館使寶元元年元昊將山遇
率其卒來歸且言元昊反狀渭與知州郭勸謀卻之既
而元昊果反又與勸奏以爲元昊表至猶稱臣可漸屈
以屬朝廷初以渭兼知鄜州坐是貶爲尚食使知汝州
徙磁州元昊犯邊言者益歸罪於渭復降右監門衛將

軍白波兵馬都監卒。

白益

魏興州刺史。白益。魏興州刺史。白益。魏興州刺史。

狄武襄青字漢臣汾州西河人善騎射初隸騎御馬直
選爲散直寶元初趙元昊反詔擇衛士從邊以青爲三
班差使殿侍延州指使時偏將屢爲賊敗士卒多畏怯
青行常爲先鋒凡四年前後大小二十五戰中流矢者
入破金湯城峇宥州屠虜咩咩歲香毛奴尙羅慶七家口
等族燔積聚數萬收其帳二千三百生口五千七百又
城橋子谷築招安豐林新寨大郎等堡皆扼賊要害蓄
戰安遠被創甚聞寇至卽挺起馳赴衆爭前爲用臨敵
被髮帶銅面具出入賊中皆披靡莫敢當尹洙爲經畧

判官青以指使見洙與談兵善之薦於經畧使韓琦范
仲淹曰此良將材也二人一見奇之待遇甚厚仲淹以
左氏春秋授之曰將不知古今匹夫勇爾青折節讀書
悉通秦漢以來將帥兵法由是益知名以功累遷西上
閤門副使權秦州刺史涇原路副都總管經畧招討副
使又加捧日天武四廂都指揮使惠州團練使仁宗以
青數有戰功欲召見問以方略會賊寇渭州命圖形以
進元昊稱臣徙真定路副都總管歷侍衛步軍殿前都
虞候眉州防禦使遷步軍副都總管保大安遠二軍
節度觀察使又遷馬軍副都總管使青奮行伍十餘

年而貴。是時面涅猶存。帝嘗勅青傳藥除字。青指其面曰。陛下以功擢臣。不問門地。臣所以有今日。由此涅爾。臣願留以勸軍中。不敢奉詔。以彰化軍節度使知延州。權樞密副使。皇祐中。廣源州蠻儂智高反。陷邕州。又破沿江九州。圍廣州。嶺外騷動。楊畧等安撫經制蠻事。師久無功。又命孫沔。余靖爲安撫使討賊。仁宗猶以爲憂。青上表請行。翌日入對。自言臣起行伍。非戰伐無以報國。願得蕃落騎數百。益以禁兵。羈賊首致闕下。帝壯其言。遂除宣徽南院使。宣撫荆湖南北路。經制廣南盜賊。事置酒垂拱殿。以遣之。時智高還據邕州。青合孫沔。余

靖兵次賓州。先是蔣偕。張忠皆輕敵。敗。使軍聲大沮。青戒諸將毋妄與賊鬪。聽吾所爲。廣西鈴轄陳曙乘青未至。輒以步卒八十犯賊。潰於崑崙關。殿直袁用等皆遁。青曰。令之不齊。兵所以敗。晨會諸將堂上。揖曙起。并召用等三十人。按以敗亡狀。驅出軍門斬之。沔相顧。愕眙。諸將股栗。已而頓甲。令軍中休十日。覘者還以爲軍未卽進。青明日乃整軍騎。一晝夜絕崑崙關。出歸仁鋪。爲陣。賊旣失險。悉出逆戰。前鋒孫節搏賊死。山下賊氣銳甚。沔等懼失色。青執白旗。麾騎兵縱左右翼出。賊不意。大敗之。追奔五十里。斬首數千級。其黨黃師宓儂。建

中智中及偽官屬死者五十七人。生擒者五百餘人。智高夜縱火燒城遁去。遲明青按兵入城。獲金帛鉅萬。雜畜數千。招復老壯七千二百。嘗爲賊所俘脅者。慰遣之。裒黃師宓等邕州城下。斂屍築京觀於城北隅。時賊屍有衣金龍衣者。衆謂智高已死。欲以土聞。青曰。安知非詐邪。寧失智高。不敢誣朝廷以貪功也。初青之至邕也。會瘴霧昏塞。或謂賊毒水上流。士飲者多死。青殊憂之。一夕有泉湧寨下。汲之甘。衆遂以濟。復爲樞密副使。遷護國軍節度使。河中尹。還至京師。帝嘉其功。拜樞密使。賜第敦教坊。優進諸子官秩。初青旣行。帝每憂之。曰。青有威名。賊當畏其來。左右使令。非青親信者不可。雖飲食卧起。皆宜防竊。發乃馳使戒之。及聞青已破賊。顧宰相曰。速議賞。緩則不足以勸矣。始交趾願出兵助討。智高余靖言其可信。具萬人糧於邕。欽待之。詔以緡錢三萬賜交趾爲兵費。許賊平厚賞之。青旣至。檄余靖無通使假兵。卽上奏曰。李德政聲言將步兵五萬騎一千赴援。非其情實。且假兵於外。以除內寇。非我利也。以一智高而橫蹂二廣。力不能討。乃假兵蠻夷。蠻夷貪得忘義。因而起亂。何以禦之。請罷交趾助兵。從之。賊平。人服其有遠畧。青在樞密四年。每出土卒輒指目以相矜誇。又

言者以青家狗生角且數有光怪請出青於外以保全之。不報。嘉祐中京師大水青避水徙家相國寺行止殿上人情頗疑。迺罷青爲同中書門下平章事出判陳州。明年二月疽發。罷卒。帝發哀。贈中書令。謚武襄。青爲人慎密寡言。其計事必審中機會而後發行。師先正部伍。明賞罰。與士同饑寒勞苦。雖敵猝犯之無一士敢後先者。故其出常有功。尤喜推功於將佐。始與孫沔破賊謀一出青。賊既平。經制餘事。悉以委沔。退若不用意者。沔始歎其勇。既而服其爲人。自以爲不如也。尹洙以貶死。青悉力。明其家事。子諮詠並爲閣門使。詠數有戰功。熙寧元年神宗考次近世將帥以青起行伍而名動夷夏。深沉有智畧能以畏慎保全終始。慨然思之。命取青畫像入禁中。御制祭文遣使賫中牢祠其家。

王防禦使奇汾州人。武舉中第。章惇經營湖北溪洞以爲將領。降其酋舒光貴。縛元猛。平懿洽等州。累遷加京副使。爲湖南都監。徙廣西宣州蠻寇邊。奇領兵至天河縣。期旦日會戰。裨將費萬夜以聚竊出。河泥隘戰沒。經畧使移書遣奇。奇不能堪。復數日。蠻萬人驟集。奇輕出。遂敗。麾下僅數百人。勦策馬逃去。奇罵曰。大丈夫當盡節以報國。何定爲賊而死。詔贈皇城使。忠州防禦使。官

其家六人仍賜金帛

宋知淡汾州人通左氏春秋好直言岳飛以賓客待之

飛初下吏知淡上書聲其冤流袁州

右宋六人舊志鄉賢列王嗣宗田紹斌楊瓊李渭狄

青王奇六人王嗣宗今別見文苑田紹斌今別見仕

實

張崑起字傳霖汾州人爲國子助教免歸盜陷汾州崑

起與妻赴井死

右金一人

呂簡肅沈字蒙甫汾州西河人少讀書曉達義理以國

語文字爲廣平大名教授薦歷江南諸道行御史臺監

察御史首上疏條八事緝貪懦之吏彌蜀寇之兵天歷

初由南臺都御史僉海北海南道廉訪司使所至興學

校正風俗斷疑獄弭盜寇詔加亞中大夫丁父憂服除

起爲襄陽總管本路諸軍與魯總管政績甚著授大中

大夫大明路總管兼府尹本路諸軍總管內勸農事知

河防事會臺議宿望擢拜嘉議大夫海北海南道肅政

廉訪使卒於官贈禮部尙書封河東郡侯謚簡肅

右元一人舊志鄉賢列杜豐王天祺呂沈張益柳誠

五人杜豐今見仕實王天祺張益柳誠今並見文苑

辛彥博汾州人初名彥德洪武中貢入太學高皇帝賜今名旋授監察御史秩滿遷浙江按察使以誥誤左遷復除監察御史尋擢都察院左僉都御史改詹事府詹事上書忤旨降山東按察使以保舉違例再降雲南布政司叅政遷浙江按察使永樂初以擅責寧波衛指揮陳仲禮謫戍興州未幾召還復除監察御史補福建布政司右叅議伴送瓜哇使臣赴行在帝顧謂廷臣曰此先帝所嘗器重者卽授浙江左布政使賜鈔五十錠因乞省墳墓得旨驛歸後卒於官彥博居官四十年持守清正不營田宅及喪歸子孫貧甚鄉人言爲官清苦者必以彥博爲稱道

柴莊汾州人宣德末知金縣廉正愛民秩滿百姓保留增俸復知縣事

董齡汾州人天順甲申進士選翰林院庶吉士歷河南按察司僉事四川按察司副使所至有廉能聲子文奎以舉人知玉田縣有父風

李秀汾州人成化戊子舉人知樂安縣清廉有異政發奸摘伏如神在官七月而卒樂安民祠祀之

田耘汾州人宏治乙酉舉人知長清縣居官鯁直一介不取其事親孝養誠至及親歿廬於墓所哀思骨立嘗

有早霜殺禾，獨近墓禾不傷，人以為孝感之應。族人多化之，鄉黨推重，為立忠孝祠，與辛彥博並祀。

賈璇，汾州人。宏治庚戌進士，官戶部主事，歷員外郎中。嘗督鈔揚州，羨餘盡歸之官，行賑江北。調渡有方，所全活甚衆。正德初，守闕乞誅宦官劉瑾等，不報。出補陝西右叅議，未幾為瑾所陷，罷歸。及瑾伏誅，朝廷將欲大用以目疾辭，時論惜之。

嚴泰，汾州人。宏治丙辰進士，官戶部主事，峻潔有治才，不妄取予。督鈔蘇州，蔬食飲水而已。鈔關故有便民小閘，後并徵稅，泰至罷之。吳人謠曰：泲聖灘頭無濁水，蘇

州關上有青天。後知登州府，考治行廉平第一。以介直忤時，或有造飛語欲中之者，泰歎曰：是尙可仕邪？即抗疏歸。杜門罕交接，服母喪，終身不除。

劉尙忠，汾州人。正德丁卯舉人，知合水縣，縣僻事簡，尙忠靜厚不擾，蒞政五年，晝日清閒，有白鳥常集於庭。擢平涼府通判。

賈繼之，汾州人。璇之子。正德甲戌進士，官戶部主事，歷至郎中，寬厚廉謹，有儀度。未第時，省父揚州，有遺千金，求通關節者，不納，便告歸。父曰：既來定省，何遽歸邪？曰：恐在此多事，或負大人清訓耳。後以言大禮被杖，明年

卒

李翰字憲夫汾州人嘉靖甲午舉人知高陵縣存心平易遇事練達值地震人民死者過半盜賊蜂起翰立法甚嚴懲治渠魁不少徇民賴以安擢慶陽府同知

劉尚義汾州人嘉靖乙未進士由行人選御史在朝稜稜有威望降秦州判官改知朝邑縣遷松江同知俱以清介稱擢南京刑部郎中出補四川僉事兵備西蜀兼督松茂邊餉蜀人苦空運尚義設法收給軍民兩便又釐清宿弊民作八頌以歌美之轉陝西叅議河南副使卒於官家無餘蓄尚義爲人淳朴澹好讀書所著有柏山集四卷詩五言尤駸駸入古

王緝汾州人嘉靖己未進士授吉安府推官以母老迎養不便疏請就近改助教歷職方司郎中擢太僕寺少卿轉僉都御史巡撫貴州苗民歸附賜金幣進副都御史巡撫南贛終戶部右侍郎歷官三十餘年兩爲巡撫尤多建樹貴州建祠祀焉所著書有防邊紀畧

張更化汾州人嘉靖乙丑進士授南陽府推官隆慶三年擢監察御史明年巡視兩浙萬歷九年巡鹽政按鳳陽三年南畿道刷卷胥以整飭著五年擢陝西副使遷叅政丁憂服闋補湖廣叅政十四年遷山東按察使丁

母憂復補原任十九年遷右布政使歷河南左布政使二十一年晉階太僕寺卿致仕更化歷官所在有聲性端嚴鄉人胥敬之有祠祀在城東關子歲以孝行稱朱表樞慶成府奉國將軍嘉靖中俺荅入寇表樞赴闕獻策忤嚴嵩意以越職言事斥之歸後寇圍汾陽慶成王知其能與畫策登城守出奇計擊賊賴以保全表樞精韜畧所著有陣圖撞石飛礮滾標戰車懸樓等式或言表樞嘗得異術臨陣祭大蜂蔽天入敵營蜚死甚衆故解汾州之圍

李開先汾陽人天啟丁卯舉人有善行鄉人多德之祀

鄉賢

胡遇春字統三汾陽人少孤家貧崇正戊辰進士知聊城縣詢縣中利病知其最苦者歲報大戶充徵解水陸道舳軒絡繹破編民產十八九遇春乃建議設吏代之以贖錢待器用諸有賄累則出於官而供張亦咸辦壬申河大浸遇春左右指畫疏洩之必退而後已水既退艱播種復請免額稅未幾權知臨清州值孔有德兵屯州境遇春率州兵以守時出不備襲擊敵始逸大學士朱延禧聊城人也有傑奴犯陰罪匿相府遇春必捕之正以法指揮德州滿某狎一倡婦窺倡多金盜攫去倡

汾陽縣志 卷六
志死倡弟訟之滿賄當道屬誣倡弟坐死遇春爲直之
日不以賤抑其冤其戒子書曰汝父半生半死人斷不
作貪墨吏爲若輩牛馬切勿學豪華兒姘鄉閭敗吾志
蒞政六年擢戶部主事以病歸抱病五六年卒於家子
庭字季子李自成之亂庭遂與弟同並隱居講學庭於
易詩春秋論語大學中庸孟子皆有論著同精明醫學
四川總督某請治篤疾至則愈且敬其爲人遂深交屬
員有以三千金致饋求同一言者峻拒之兄弟共勵名
節有學守

曹良直字古遺汾陽縣人崇正丁丑進士知尉氏縣歷
知靈壽雄縣擢兵科給事中條奏兵形八事一軍令不
可輕更兵械進止呼吸變化此行間事也若樞臣調度
惟宜斷之以大義如近者督師薊督領兵前進威必宜
揚侯國必宜救此大義也忽而以尾追無益議撤忽而
以東西分入催戰在廟堂之上不過一轉語耳而三軍
之衆倏進倏退幾等兒戲且進退之間勞逸死生判焉
必有心志搖搖怨聲載道者言之可畏以後請痛戒之
一闔外不許請旨將在外君命有所不受况陛下神謨
廣遠屢有原不中制不許遙請之明旨近來將帥故違
類瀆習以爲常此不過騙陛下旨以爲卸罪地耳且

請旨疏入而營謀安頓之伎倆種種隨之矣此奸弊之尤也。卽或無他而兵機呼吸立變彼馳奏候旨部覆又候旨往返等待之間事機已去矣陛下徒勞批荅樞臣徒費申飭無益也。以後凡有遙請者比逗遛科罪一入援不許請旨臣子赴君父之難義惟一往更無轉念近來庸懦撫鎮旣聞邊警疏請入援明係逗遛觀望其中布置安排且不可測也。此豈復有人臣禮乎。除如遼楚秦豫身臨大敵原應請旨外其餘皆屬不臣。後有犯者違違正法。一援兵不許報號樞臣一聞邊警調取各路援兵文內必有赴某軍前聽調度之辭此卽信地。此卽違令也。近見各援兵至必先赴京兵部報號雖覲面遇敵亦不戰曰我未報號也。軍法離信者誅違令者誅獨不一問乎。夫援兵遠至聖恩必有賞犒。臣謂如調兵文內係來京者就京城外賞犒之。若調兵文內派有某軍前者宜將賞犒發至軍前。違限後至者竟免。卽報號必不可廢亦止許數人入都。違者以枉道逗遛論罪。一監軍不許叙功將帥皆在功罪之中。惟恐欺飾而後設監軍焉。若一體叙功扶同之弊必滋。故監軍止許事後叙勞。卽論功罪亦宜以精核爲功。通同爲罪。若戰勝獲功不許列名。違者以冒功置罪。如是則監軍脫然於功罪。

之外必無通同欺飾之弊矣。巡按亦然。宜著爲令。一監軍不許抄將帥之塘報。將帥在功罪之中。塘報大半欺飾。監軍者宜自領一旅。專視各將功罪。臚列塘報。刻期密奏。其於將帥塘報許從公駁正。并奏。如有通同掩飾。別有奏聞。監軍重罰不赦。一戰守之功。不宜并叙。行間欺飾之弊最多。如將帥欲飾罪。必先報功。而又恐人發覺。乃并地方官亦叙在內。甚有叙及巡按。并鄉紳過客者。或云措餉設稿。或云添兵助器。或云指授方畧。此類他。蓋欲人人有功之中。而無異辭。以遂已之欺飾也。後列名者。以冒功論罪。庶將帥之欺飾少止。一舉

坐之法。宜有分別。聖明之世。豈乏禦侮之材。而人每每知而不舉者。惟連坐是懼。然而連坐可不行歟。亦曰稍爲分別可耳。如督撫鎮將。除一籌莫展。以及大貪大詐。連坐不宥外。其餘清勤勇烈。而爲時勢窮困者。姑免連坐。若所舉之人。生平可諒。忽變而爲貪詐。其舉主能自叅者。亦與免罪。其言切中機宜如此。良直少甚貧。族人中有欲助之貲。爲治生計者。謝曰。吾輩豈逐末營利邪。及歷三縣。所至有政聲。去之日。民泣送者盈道。性嫉惡。在朝彈劾。不避權貴。以直聲著。卒於官。

朱新堞。明宗家汾陽縣。崇正十四年。由宗貢生知中部。

縣時縣殘民困繪流民圖將上之會公事出土寇陷城
免官已而復任命下賊破潼關已五日矣毅然曰此吾
致命之秋也受事未旬日賊傳徵至新堞方巡城怒而
碎之立斬來使欲效死守而縣新破人皆逃散乃書表
封印使人馳送京師具陳賊情關拜又望拜其母卽自
經士民葬之社壇側妻氏薛氏馮氏見新堞誓死
以待賊至請先縊以盡節新堞撫而勉之左右皆泣士
民亦祔葬

朱敏濛字龍澤慶成府鎮國將軍軀幹甚偉好直言倣
岸之氣人多憚之聞賊據平水敏濛出家貲盡散與貧
窶及賊至被執詣李自成使跪敏濛厲聲曰我將軍也
大宗之膝豈爲賊奴屈哉自成令捽下敏濛振聲一喝
捽者披靡退數武羣賊蜂擁爭批其頰罵不絕口折頸
裂股而死

馮運泰字來吉汾陽縣諸生豪宕自喜善屬文賊入境
運泰拉同儕日夜晝守城策甚悉以上當事賊謀知運
泰首規拒賊方薄城卽使人縛以見運泰聞之仰天嘆
曰死則死耳安有昂藏丈夫而受賊刑辱哉遂投井死
里人收殮如禮題其棺曰明殉節處士馮生之柩

楊正春字榮初汾陽縣諸生李自成之亂賊執之去使

飼馬他所。正春薄暮，具衣冠入文廟，瞻拜痛哭，隨投井。是夜見夢於室人曰：我得死所矣。但水寒沁骨，盍早出。我室人夜起而號，徧覓不得。次夜復夢曰：我在府學井中，何他求也。往視之，果得正春屍。正春死時，有丐者見之，與人言其狀。

賈守亨，字通吾，汾陽縣人。少任俠，不羈。賊氛四起，守亨偕里中好事者，習射東郊。賊至境，人多謀出迎。守亨不許，及賊入其室，大罵格鬪，隨手而倒。衆賊持挺亂下，守亨紿曰：汝不過欲得財耳。我有伏藏，爲汝採取。汝不得，吾突以辱我。賊諾。守亨入，拔刃大叫，自剖其腹，血濺壁，委於地。賊隨後窺伺，大驚走。

朱慎錞，字伯渾，行甚高，其詩超軼絕倫。

王如金，字子堅，崇正己卯副貢，以詩名。所與遊皆高人逸士。

右明二十四人。舊志鄉賢列辛彥博、董齡、李秀、賈璇、田耔、劉仲原、嚴泰、賈繼之、劉尙義、張更化、王緝、孔天胤、朱新堞十三人。新趨卽新堞之訛。劉仲原今別見。孝義孔天醕，今別見文苑。

劉昇祚，汾陽人。順治初，以進士官湖南道，駐辰州。賊來攻城，昇祚設守禦甚備，出奇兵擊之，賊遁去。已而賊大

至家數萬圍辰州昇祚擐甲登陴立矢石間指揮捍禦而辰州爲滇黔咽喉故賊攻之急數月城陷昇祚猶大呼巷戰死事聞贈光祿寺卿廕一子入監僕溫虎亦從昇祚歿於戰

趙永祚汾陽縣人順治丙戌進士授雷州府推官性剛決執法不阿時雷民多匿山谷學校之教不興永祚得通文義者二百人附於學親爲督課雷人始知讀書值盜王翰肆焚掠永祚與同知周標詣其巢閉誠撫諭翰投戈尋補慶陽府推官亦以清敏著卒後囊橐蕭然人咸稱爲廉吏

田呈瑞字介璞汾陽縣人初官中書既而出襄事河工擢大名道未之任改陝西臨洮道兼理全省驛站事遷浙江金衢嚴道改署糧儲道事卒於官呈瑞所至輒體察民間利病務實績其在臨洮也值歲饑賑恤親行郡縣山谷間恐胥吏爲弊無及民之實稽察嚴飭民賴以安因念救荒無奇策求所以利民者相度地勢於蘭西石佛灣鑿渠引溉兼教民造水車汲入田歲增粟十餘萬石及之浙臨洮士民建生祠祀之

田周字夢軒呈瑞長子也辛丑歲饑周總括家財得六千金於賑恤前先散給遠邇多所全活時大中丞朱公

軾適奉命賑山右高其義造廬見之事訖聞之於朝
雍正戊申授戶部雲南司郎中越三載庚戌以病歸周
性恬淡雅好讀書工詩文所著有郁青樓集六卷

川震字又起呈瑞次子初官盛京刑部員外郎轉本部
湖廣江西二司出知姚安府值歲旱滇中舊不報災震
曰朝廷以赤子付有司雖遠猶邇而遺之乎請於臺
司獲賑恤是後遂以爲例山郡多磽确有大石湖當萬
松山下爲衆流之衝震相視地勢隄其下潞水二十里
溉田可萬頃無憂暘旱歷雲南臨安二府擢治行第一
入都蒙恩賜蟒袍貂皮人獲香珠等物會開金沙江

通銅運而震前在臨安曾治途百四十里用車牛運銅
事稱便大吏以其能檄往督理凡六載乃竣事權陝西
驛鹽道尋改湖北驛鹽道越四載以前冒滇中瘴氣毒
發卒於官年四十有五震謹厚有卓識守臨安時所轄
苗疆其土司死子幼諸弟中越次圖襲當事俱爲所蔽
震至得其情實立正之木期古處東川江外不隸滇蜀
無頭目鈐轄行旅過則出爲寇掠震減車從入其阻曉
諭朝廷德意因示以威信其衆知憚且感激求內附
震歸復視要害數處設堡寨寇患遂息震著有謚彙集
詩四卷詞一卷

劉而位字爾爵汾陽縣人康熙癸巳舉人知安陽縣至則訪民間疾苦有不便於民者務爲滌除凡訟案不使一夕稽留五年擢泉州府未幾簡授分守巡海興泉永兵備道以足疾歸起歷四川清軍驛傳鹽茶道分巡松茂兵備道川南永寧道疾復作卒於官其至泉州也屬縣某貪婪不職有叔父在朝爲貴官劾之無所畏避及病家居講學十載每揭孟子是非之心大學毋自欺爲言故在蜀時制府尹公以理學經濟體用兼優稱之所著書有省克引一卷家訓數十則及社學鄉約條規爲學之樂得於理趣者雖淺深但如所見要歸於躬行爲

本

呂文櫻字果初汾陽縣人康熙丙戌進士知弋陽縣又權知金谿行取監督大西倉以高安朱相國薦授戶部浙江司員外郎轉禮部儀制司郎中服闋授湖廣道監察御史尋擢通政司右叅議改投奉天府府丞以老告歸方任弋陽時甲與乙爭婚甲貧旣聘婦而乙實先貧後富婦家再受聘妄稱乙先出其聘物爲證察之辨屬新造詰乙曰若故貧安得有此詭稱三年前某舖造也呼造者對簿纔及一月耳女遂歸甲有以田質於人代書質契者已死受田之家毀質契更爲賣契賂代書者

之子証之。聽治時謂曰：若父書生，亦爲人作此邪？曰：有之。如某氏某田，某氏某屋，皆出父手。因曰：爾宜和其事。次日具覆，不能和狀，而其父所書二契已取至。真偽判然，乃予杖。而許質者贖還。既署金谿，有郇某死於途，身負挺痕，莫可跡。見郇妻呈詞，有讐殺字，密訊之，則云：夫出不攜一物，非盜殺，故疑爲讐。問其讐，不敢言。因屏左右導之言，始述族有名歇雲者，嘗以訟叩報，疑其所爲，而無據。察情詞非妄，逮歇雲。至堅不吐，旣而授意一隸，俾至其家伏聽，而遣卒佯報歇雲已成招。今解府，速辦行費，毋與妻俱哭。卒卽去。姑怨婦不阻其所爲，婦以所

持械在姑室中，不知何時竊去。伏者呼曰：姑媳已承矣。拘至案，歇雲服罪。其判事務研審類如此。時縣於上官有積習，未除文櫻羞逢迎，矜名節，適巡撫廉知文櫻爲吏良首，列薦章格於俸淺未合例，及入爲大司馬，復以才守力薦，故文櫻得列行。取子審部，字學三。乾隆甲戌進士，亦有學行，鄉里咸重之。

賈權字爾衡，汾陽縣諸生。雍正中舉，知宣城縣。又權知甯國縣，舊例漕米折色徵收，糶於蕪湖，關議價必贏餘，目爲出洗權爲滌弊，僅符時價，正數民歌頌之。其在宣城也，始至卽滌免帶徵解費銀三千，請陋規汰免一清。

尤善決疑案廉能之聲數月間卽噪遠邇涇縣民爭戶口及是百年矣至擊登聞鼓事下卷牘山積援引百餘人巡撫曰此非賈宣城不辦卽以委權察得其情實遂一言而決會行取擢主事權念父母老又無他兄弟遂告歸宣城故有祠祀謝元暉李太白名二賢祠民相與增之曰三賢肖像其中復建專祠於敬亭山

道光三十年重修

補遺

宋狄青傳 王珪所撰武襄神道碑贈太傅曰應之於公爲曾王父是生真贈太師生普贈中書令公其仲子娶魏氏封定國夫人六男詠二班奉職早卒諮西上閣門副使詠內殿崇班閤門祗候諱內殿崇班說東頭供奉官諫內殿崇班說諫早卒孫璋左侍禁璫尙幼所敘家世較此爲詳 碑書享年五十此失載

元呂沆傳 虞集呂簡肅神道碑大名教授秩滿歷監豐穰倉印鈔庫使通政院照磨投備用庫副不拜除河間路都轉鹽運使經歷以疾辭用薦授都府經歷權准西道肅政廉訪司知事將行拜大宗正府左右司都事簽海南北廉訪後加中憲大夫移簽嶺南廣西廉訪使事加亞中後簽江南北廉訪使事未赴丁父憂任大

名總管後官刑部侍郎官海南北廉訪後至正六年除
山北遼東廉訪使未赴卒以上歷官此俱失載 碑載
簽海南北廉訪時撫定洞蠻萬計發廩賑柳民飢總管
大名時至正甲申大水築隄捍患廉訪海南北時治尉
祿合及白沙浦海康諸冤獄捕鉅盜譚福旺羅仲仁等
治蹟表表此悉畧而不載非是

明王緝傳 順治汾陽志撫南贛後升南京大理寺卿
總督糧儲此失載

明曹良直傳 明史姜埰傳上疏論二十四氣蜚語下
詔獄時行人熊開元亦以建言下錦衣衛帝怒兩人甚
令衛帥駱養性潛斃之養性不敢奉命私語同鄉給事
中廖國遴國遴以語同官曹良直良直即疏劾養性歸
過於君而自以爲功陛下無此旨不宜誣謗卽有之不
宜洩請並誅養性開元養性大懼帝亦不欲殺諫臣疏
竟留中此事失載

正誤

宋狄青傳 以步卒八十犯賊八十碑作八千斬袁用
等三十人碑作三十一人斬首數千級碑作二千二百
級明年二月卒辛楣先生狄武襄神道碑跋碑云至和
三年出判陳州明年三月感疾於州未幾以薨聞考宋

史本傳嘉祐中出判陳州明年二月卒仁宗至和三年
九月辛卯改元嘉祐青之罷樞密在四年八月故碑猶
稱至和當云嘉祐初而云嘉祐中其卒在二年三月而
誤云二月皆史家之失

金張崑起傳 按崑起元史忠義傳附喬彝條下彝傳
云至正十八年賊由絳州垣曲縣襲晉甯崑起傳盜既
去晉甯復陷汾州則崑起死節在至正十八年此誤作
金人

明曹良直傳 明史周延儒傳信用文選郎吳昌時及
給事中曹良直及延儒敗良直劾其十大罪按良直當
退列仕實門入之人物未合

續編

賈健字天行邑之羅城鎮人雍正五年進士以親老引
歸十年服除授懷遠知縣甫下車腥羶供輸一切犁豁
嚴保甲設義學建風雲雷雨先農等壇造營房墩臺禁
浮葬期歲埋停棺二千餘十二年淮水暴漲田廬淹沒
健據實請賑忤知府吳某健不之顧爭益力卒如所請
復捐俸繼之全活災戶無算未幾被劾罷官歸築樸園
授徒自給論學根柢六經爲文章絕去浮靡法度謹遵
先正戒學者毋得剽竊淺近求速效汾上士習爲之不

汾陽縣志 卷六
變健性高簡勵清操遂初後陋巷蕭然或日高炊煙未
起嘯歌自若著有四書會通一得錄琴香室詩花草又
編輯明史纂要性理纂要博物纂要古文分品賞奇集
歷代詩選評二晉乘遺集汾詩匯選詩諸書卒年七十五
兄佶字吉人健幼從授讀雍正二年鄉試同榜中式亦
以亢直忤邑令被視士林高其志節

曹學閔字孝如邑之太平邨人乾隆十九年進士授檢
討充

武英殿纂修官功臣館纂修官辦翰林院事二十九年
改河南道御史擢刑科給事中巡視西南北城分校已
丑科會試轉吏科掌印給事中時三輔亢旱奏請清理
庶獄將朝審二次緩決人犯減等發落即日

召見下

詔施行居言職八載所敷陳皆有關

朝廷掌故與吏治民生有裨益者由是受知

高廟多

報可三十六年擢鴻臚寺少卿歷光祿寺少卿通政使
司參議太僕寺少卿分校甲午科順天鄉試稽察右翼
覺羅宗學四十一年扈

澤灤陽蒙

召見

溫語移時併

賜和

御製詩什四十二年因復陳會試舉人徑由州縣出結送部一摺部議降調四十五年復補鴻臚寺少卿四十七年扈

蹕灤陽再蒙

召見詢歷官始末與所言事具以實對

命禮部檢原案進呈尋擢內閣侍讀學士分校甲辰科武會試先是在臺中嘗上言宜復辟雍古制下禮部議

格至是

純皇帝定自

宸衷初建辟雍於國子監將舉行臨雍禮追理前疏

特旨嘉獎曹學閔能獨抒已見其建白亦不可沒有缺即請旨陞用一時傳爲異數五十年預千叟宴拜

御製詩刻鳩杖文綺之賜五十一年擢宗人府府丞仍稽察右翼覺羅宗學是年以嗽上氣疾陳情請解任

詔許元官致仕明年卒年六十九學閔性樸誠敦本行幼孤勤苦自立蒞官清慎負責重望與人交不苟然諾排解急難無倦色生平葦葦爲善修山右三忠祠三晉會

館楊椒山先生故宅祠南新門內義園永定門外掩骼會皆躬親襄舉學畫可垂久雅航山水未遇時縱撓吳越名勝及官京朝暇與一二同志出國門遊賞如檀栢戒臺秘魔厓香界寺往往流連信宿或策蹇冰雪中來往觀者以爲神仙中人晚年返而講求性命之學泊然宵默幾於靜得詩文摠寫性情不事藻飾著有紫雲山房詩文鈔

曹錫齡字受之學閔長子乾隆四十年進士授翰林編修四十五年典四川鄉試四十八年督學雲南歷江南京畿貴州道御史擢戶科給事中轉吏科掌印給事中

嘉慶十七年以目疾

予告錫齡內行純備性篤學

秉正不阿官臺諫十餘載所陳封事以培元氣爲要未嘗撫拾苛細上瀆 宸聰如奏請於祈雨日停止人

犯勾冊增設京師粥廠及散給栖流所棉衣修國子監南學慎重軍機關防等摺皆如所請行幼與弟祝齡受學大興朱筠嘉定錢大昕之門兩先生當代大儒親聞緒論以故立朝有聲諸經皆承講授尤邃於易詩古文有前輩純樸風著周易集粹四書集粹翠微山房詩文集使蜀草道光元年卒年八十一子汝淵字春浦嘉慶四年進士由庶吉士改刑部主事出爲涇州知州曹氏

自學閔以詞臣起家錫齡暨汝淵繼之三代館選人以爲榮汝淦字嘉浦嘉慶二十三年舉人長子教諭擢祿勸知縣祿勸夷民雜處尙攻劫重繩以法盜患迺息以亢直罷官歸

曹祝齡字申之初名夢齡學閔仲子乾隆五十四年進士授戶部主事祝齡負幹濟才尤饒膽識通治體嘉慶初成哲親王總理部務喜親吏事祝齡進言曰大臣爲綱小臣爲紀王領度支重任宜務大者遠者至錢穀出納之數司官輩職耳請爲國體惜王嘉納之歷員外郎郎中勤慎練達上游倚重一管捐納房再充則例

館纂修兼理八旗現審處辛酉分校順天鄉試是年永定河決本部官屬捐萬金以賑俾領其事全活災戶無算顧性高曠淡於榮利年未六十引疾歸浮大江而南攬湖山之勝東謁岱嶽登日觀五十餘盤攀涉殆遍歸築生雲精舍養魚種竹與一二老友觴詠其中長吏罕見其面讀書獨期心得深疾近代著書家之繁猥嘗曰先儒撰述大備後學儘可循途守轍若別生臆解非庸卽妄宣聖所謂不知而作正謂此輩其持論篤實如此里居十四載卒年六十九子汝淵字晴江諸生生有五性篤於孝友工詩善琴汝洵字信民嘉慶十五年舉人

有學行汝涵字容甫道光二年舉人署德化知縣改渾源學正所至以廉慎聞

韓克均字德嶷邑之東窰莊人嘉慶元年進士授檢討庚申典貴州試壬戌充會試分校擢御史充

高宗純皇帝實錄館提調官故事提調以詞臣充他職不得預館臣以克均諳掌故特奏充異數也乙丑再充會試分校升工科給事中視漕通州出爲浙江溫處道歷河南雲南按察使安徽布政使巡撫貴州調福建尋改雲南復調福建道光十年休致卒年七十五克均少孤刻苦自勵性通敏負幹濟才喜講求經世之學官御

史時嘗建言各部院承辦事件應遵定例例或未備方以舊案比照而成案日繁不無參差胥奸得以上下其手請飭所司詳校成案刪其不可遵行者至前後兩歧則酌中參覆以歸畫一而昭法守疏入

允所請識者謂切中時弊晚年建牙開府皆邊陲重地撫綏得宜所至甯謐國家恃以爲安在滇御外藩最爲得體思茅屬車里宣慰司與夷接壤會奸人構釁孟良緬目召布素誘執土司刀繩武克均檄諭緬夷曰夷目擅執內地土司權衅宜誅姑念國主遠處阿瓦未必知情當遣所屬護還並檄暹羅南掌各轄邊境毋生事端

緬甸震讐即以繩武來歸大姚夷因爭田與漢人構怨
嚴定章程漢民不得奪夷田夷民亦不得肆圖佔邊圍
肅然永靖先後兩撫八閩以興革爲已任增建貢院號
舍輯省志整鹽務軍械庫向附郭至是移建會城他若
淡水廳石城福州小西湖莆田木蘭陂皆從事脩濬糜
費鉅萬功利甚溥歲饑奏弛海禁俾達浙米濟民食其
志在惠民多類此去官日送者塞途有攀轅出涕者

宋其沅字湘帆邑之宋家莊人弱冠成嘉慶四年進士
授禮部主事承辦 孝淑后奉安事宜奏稿沿舊譌

鐫職未幾以小京官用洊升主事員外郎郎中御史給

事中官御史時陳直省賑弊

召見乾清宮

溫旨嘉獎出督浙江糧儲閱四運無廢事擢浙江鹽運
使浙鹽厯索引銷有盈絀使者率以全完入告運庫本
有商存公款而當事往往通融墊俾黠商巧借名目
串蒙支領一當籌撥轉須減價勸輸經儲商力因之兩
虧其沅極意振刷宿弊以釐遷廣西按察使浙江布政
使道光二十年六月逆夷陷定海撫臣罷奉

命護撫篆兼署學使事八月監臨鄉試事竣馳赴甯波
會款議起大府戒海上毋得接戰其沅堅請勦言兵不

可不用者四力爭於伊節相里布曰定海既陷夷情叵測
天威不宜少挫一也夷事由禁煙而起籍口通商必仍舊夾帶流弊伊於胡底二也

國朝統馭海寓恩威並濟若天討未申遽議通好恐四裔生輕中國心三也浙人素稱忠義倡勇敢信賞罰乘時進兵何難敵愾若曠日持久粵中不能了局浙東始議行師軍心一怠驅策不前四也書上不省感憤成疾卒於軍年六十一其沉博學能文官儀曹二十載嫻典禮通知掌故

廷議開館修會典通禮臺規禮部則例學政全書諸書皆領編校之職鉤稽案牘綜覈舊聞勒成一代鉅制仁宗睿皇帝龍馭上賓總辦喪儀尙書穆克登額汪庭珍倚如左右手典陝西雲南試者各一分校順天鄉試者一所得多知名士物望翕然推重然踐履篤實論學以關中李二曲桐鄉張杞園兩先生爲宗嘗言官事卽吾性分內事步步腳踏實地自無掛礙以故敷歷中外賢聲丕著晚年開藩兩浙軍書旁午勞瘁告殂未竟其用論者惜之

光緒十年續修

韓激字志清

邑南郭人

道光辛巳舉人乙未大挑二等選垣

曲縣教諭訓士勤懇如父兄咸豐三年粵匪寇河南懷
慶密邇垣曲承平久民不知兵激暨縣令晏某慷慨誓
衆集紳耆編卒伍守備粗具寇大至圍既合率衆力守
無懈先是激生有勇力喜談兵習用二銅椎旦暮未嘗
離垂數年技益精百姓知其能恃無恐相持既久卒以
孤城無援於八月初二日失陷激怒髮豎指運椎率子
思恭巷戰立斃二賊賊屠集矛洞胷猶左右支拒椎賊
仆地者無算創重遇害思恭亦戰死妻殷氏思恭妻郎
氏並投水死事

聞

贈激國子監助教給雲騎

尉職七世襲次完以恩騎尉世襲罔替當激被難時垣
曲人楊汝梁見屍大哭買棺殮之賊退激姪思明乃得
以觀歸葬邑人李春舫孝廉爲作傳弔以詩有死見仲
夫子不愧依宮牆之句

張其信字芳余

邑東郭人

道光辛巳舉人乙未大挑一等授

四川東鄉縣知縣歷權什邡樂至西昌縣天全州事並
稱廉能道光中舉卓異尋請老致仕歸其信事母孝勵
志讀書初嘗設帳課生徒從遊多名下士孝廉任春霆
輩其尤也既免官優游林下數年卒當攝篆西昌時政
有病民者欲委曲調劑而瓜期已至撰一聯以寄思慕
云教養事未終到底偏隅應鮮福廉平心共諒何妨兩

袖更無風進士白公鼎衡曾有贈句云對客全無官氣
習臨民常有佛心腸可彷彿其梗概

王臣福字介堂

演武鎮人

道光十七年舉人大挑一等四川

南川縣知縣大計卓異擢打箭鑪同知同治六年以老
疾乞休就醫成都卒臣福沈毅任智略初之省大吏檄
入讞局蜀地沃民蕃衍甲天下獄訟繁往往以眦睚釀
巨案訟師吏胥視鄉愚殷富者輒中以法案情恆不實
號難治臣福色視眉聽時有平反大吏深器之南川距
省在千里外界貴州正安桐梓地貴州自楊隆喜之亂
當事撫馭乖方賊蹤徧全境苗獠獠種一時並起土賊

以黃白巾纏頭名黃號白號縱橫正安桐梓間常窺伺
川疆臣福之官嚴保甲訓團練得丁壯十餘萬當是時
惟江北廳崇慶州簡州內江團練爲通省最南川縣是
亦知名川督王慶雲遂以南川團練章程檄行各州縣
奉爲成法歲辛酉髮逆寇蜀圍南川臣福率紳團固守
圍既解益修戰守具明年髮逆益兵至以守禦嚴終不
得逞縣故彈丸地制兵纔十數人兩次被圍惟仗平日
信義激厲士民以故人咸効命未嘗請一兵一矢孤城
卒無恙者臣福之力也打箭鑪本夷地漢民皆質遷無
土著夷俗剽悍臣福之官乃於河東西置義塾始知嚮

學至今尸祝之累權華陽雅安葦江巴縣崇慶州護雅州府兼護建昌兵備道所在率有循聲

崔銓淦字瀚汀

羅城鎮人

官陝西寶雞縣知縣同治六年回

逆陷城死事

贈道銜

諭賜祭葬給雲騎尉世

職襲三世以恩騎尉世襲罔替

准於殉難處並原

籍建專祠從殉家屬亦得埵祀銓淦幼孤從叔父讀嘗偉之十五歲補弟子員年二十食廩餼志益銳名其齋曰澹心篤嗜理學持論以居敬爲本己酉登賢書先嘗課徒至是及門益衆弟晉綬炳鏡姪培先後舉於鄉他成名不可勝計喜藝菊嘗以晚節香署其軒花時集同人賦賞壬戌成進士以知縣簽陝時關中賊蠶起獨銳往到省卽條時事十款多見施行檄巡城獲回謀逆知異謀賴以戒備癸亥權長安縣事軍需孔亟咄嗟立應數月列課最異數也甲子權白水縣事地僻亡命多嘯聚捕其渠餘斂跡迺增拓城郭利資汲灌平道路墾荒濬河興文教百廢具舉乙丑補寶雞縣丙寅春之官當是時海內多事實難當陝右之衝秦隴驛騷軍檄促境無虛日星急絲紛無或差貸回氛逼則嚴繕卒兵以待三次薄城至輒創丁卯秋城圯於爾築未半寇蟻逼迺紮木城日夜守禦輒出奇擊賊賊計窮索賄求和不可

汾陽縣志 卷六
賊既創甚忿期必得益衆合圍率死黨力攻乘城塌口
入銓淦手刃數賊稍卻俄復集知事不可爲回署危坐
堂皇賊入署銓淦據案大罵遂遇害時十月十一日也
妻馮氏率二子埭堦投井死長子盞歲貢生襲職

孝義

王延字延元西河人九歲喪母泣血三年幾至滅性每
至忌月則悲啼一旬繼母卜氏遇之無道恆以蒲穰及
敗麻頭與延貯衣其姑聞而問之延知而不言事母彌
謹卜氏嘗盛冬思生魚命延求而不獲杖之流血延尋
汾叩凌而哭忽有一魚長五寸躍出冰上延取以進母
卜氏食之積日不盡於是心悟撫延如己生延事親色
養夏則扇枕席冬則以身溫被體無全衣而親極滋味
晝則傭賃夜則誦書遂究覽經史皆通大義州郡禮辟
願盡養不起父母終後廬於墓側非其蠶不衣非其耕

不食屬天下喪亂隨劉淵遷於平陽農蠶之暇訓誘宗族侃侃不勸家牛生一犢他人認之延牽而投初無吝色其人後自知妄認送犢還叩頭謝罪延仍以與之不復取也年六十方仕於劉聰稍遷尙書左丞至金紫光祿大夫聰死後斬準將作亂謀之於延延不從準既誅劉氏自號漢天王以延爲左光祿大夫延又大罵不受準遂殺之

右劉聰時一人舊志繫之晉非也

王志可汾州人正統二年納穀千石助賑旌爲義民

劉仲原字宗本汾州人宏治中歲貢生母喪廬墓晝夜

悲號有盜夜半乞火仲原與之其盜知爲孝子廬遂感

化改行卒爲善類牧童樵夫皆識其墳呼曰孝子墳

劉得仁汾陽人值歲旱願爲衆祈命禱雨遂自焚死大

雨隨注州司馬葬之舊有碑題云義士劉得仁墓

朱知鱣慶成府宗室萬曆二十七年饑知鱣率其族屬

輸賑

曹祿汾陽人篤於親凡修橋築堰鑿井務爲孝義所父

年壽萬曆中饑率遍野買地九畝以爲義塚

嚴敏汾陽人性好施與凡衣食棺木藥餌濟人終身不

倦

張得滿賈彬張國穩並汾陽人以遇饑輸粟稱義得例
旌冠帶

賀來佐汾陽人八歲喪父盡哀明年母病來佐廢寢食
奉侍藥餌四閱月如一日及卒不食五日哀毀骨立終
制後補博士弟子員

張國士字寰一汾陽諸生家素饒好爲人排難解紛嘗
出六百金拯人之危值寇亂官軍拒守國士輸金助餉
有司旌其閭

右明十一人

呂謙字謹躬汾陽人好施樂排解有貧嫗張氏年六十
無依周給衣食者二十年及歿買棺葬之里有貧欲鬻
妻者謙聞之急饋以錢粟併勸其族人共資助得保全
有張習之者負債致忿爭債主不能平將構訟謙既代
償而謂習之曰彼免爾債矣曠廝兒者貧家孤兒也無
所依遇諸路哀之遂收養於家生平所爲類如此謙自
少失父天性過人拜掃墓所輒伏哭不能起值明季寇
亂負父遺像以出忽失去求之不得入賊營竟得之事
母曲盡孝道母九十而歿謙已七十矣哀毀如孺子狀
歐陽三年不以喪故禮稍減損卒年八十有三以子女
樓實諾封奉政大夫

賈達汾陽人康熙戊午舉人歷官沁州學正自少有孝行

劉漢裔邑諸生篤學有文譽天性過人事母盡孝母死廬於墓側泣血三年人稱爲劉孝子每出共指目之

魏之憲歲貢生事母盡子職甘旨承歡三十年如一日母病禱廟而愈人以爲孝感所致母歿哀毀殊甚及葬廬墓三年鄉里頗爲感動康熙三十一年題 旌建坊

羅城堡

宋元址字定中汾陽人以歲貢生官和順縣訓導元址性孝友少失父事繼母曲盡子職生平雖無所見於世子弟後學咸以其內行修也奉之爲師法良有司至是者亦樂表其善行以爲多士勸子鈺壬子舉於鄉亦以孝稱

張瑛字玉采汾陽人家素饒每於歲杪出粟若干周鄉鄰之貧者以爲常康熙三十六年饑瑛既出財粟助賑而賑所不及者持田契求售踵接於門皆自貶損價值瑛第如其願售之價視平時蓋不及十之二於是得田且千畝明年大熟瑛徧榜各村曰願贖者聽而旬盡贖去人咸謂瑛長者其行事大致類此瑛所居曰西官村先是順治六年姜瓖之亂東官郝趙姓者衆乘亂劫其

家男婦俱被殺獨一稚子奔至瑛所瑛納之衆來索瑛曰是不可得必欲得者吾兩邨且鬪視強弱及亂平瑛助趙氏稚子白諸官治罪者十餘人當盜賊之蠶起也瑛之邨人將逃避賊瑛曰賊至未可知而先離散能保卽獲全乎孰若爲守計衆以村故無堡寨難之瑛曰堡寨誠不可猝爲環村而溝焉其可遂相率爲溝廣一丈有奇深倍於廣東西設弔橋各一瑛又以其家樓堡封貯邨人財物其中旣而賊大至踰溝邨之人退入樓瑛見一賊方據椅坐左右指麾急趣有力者舉石礮投擊中之身首俱碎乃其渠魁也餘賊怒攻之急樓上瓦石亂下不得近乃取薪積於門欲火其樓宅舊有井僅供汲用至是泉忽大涌男婦遞傳水於樓以撲火賊計不得施又失其魁數日稍稍去瑛曰可以出而逐之矣相與持械出大呼擊鬪賊奔潰方是時瑛年纔十有九遠近邨被賊殘破不一處而瑛之邨獨完聚如平常人服其智勇瑛九十有一歲視聽不衰不脫齒行不杖一日無疾卒季子乃擢字簡臣亦以行誼重於鄉不失父風宋乾汾陽諸生寄居孝義縣其子孫遂入籍焉乾居鄉樂施與好爲人釋爭解紛與兄賢讓倡作本邨堡牆費甚鉅邨人賴之知縣閔衍爲之記

馮芳猷字榮素汾陽人性孝友仁於族黨所居邨堡牆
卽八門城故蹟也堡西門傾圮恐傷人捐貲修繕完好
出見路有餓而死者詢之野人知爲無主之屍急買布
及棺斂瘞表其狀貌衣色以待或來訪尋嘗積里中人
借券踰千金盡焚之芳猷兄芳譽歿而無子時芳猷有
一子際茂卽以爲兄後際茂長中康熙丁酉武舉官湖
廣永定衛守備芳猷後生六子登仕籍者五

李日耀汾陽人願以千金修堡事未行因歲饑遂以散
調邨人其子忠森孝森節森復以三千六百金卒修堡
成父志康熙六十年捐賑六百兩左都御史朱軾題請
給額優獎又肇慶府知府韓謨捐賑六百兩候選知縣
卞懷仁昆弟共捐三千兩其餘捐賑有差

趙日昌字滋大汾陽人康熙乙卯舉人好施與親族故
舊待舉火者數十家庚子辛丑連歲饑日昌捐銀三千
助賑

王邦選字秀升汾陽人嘗設義學教其鄉之賢子弟不
獲親師者乾隆己卯庚辰捐米麥八百五十石助賑太
守嘉其好義額表之辭不居先是康熙中邦選尙少
其鄉計出己貲鑿渠引汾水文水以資灌溉值陽歉
一鄉獨有秋邦選偉儀表篤於孝友自幼卽習治家事

曰有子而父任其勞何貴有子雍正九年新設勇健營選壯士邦選爲當事所物色欲薦舉以父母老不忍離左右卒辭不赴次子恆兆壬申科武舉官直隸插箭嶺守備

呂曰唯汾陽人家貧事親甘旨不闕一奉養之常咸出於至性鄉里目之曰孝子其祖母年七十有二感傷寒證不汗醫已無策曰唯禱於神即自卧祖母被中未幾曰唯編體皆汗祖母遂亦汗而愈曰唯以訓童子爲業而由家庭戚屬以及邨黨疾苦困厄必身任之雖貧竭財力以行所當爲年四十三而卒衆論惜之

呂審廉字元清雍正己酉舉人國子監助教文樞子也力學篤行文樞以事逮獄審廉在家聞之六日走千三百餘里至京師晝夜徬徨謀所以救父者兩閱月竟感疾口中連呼辨冤而絕目不瞑是時事已得解文樞哭慰之曰我事已白汝可無牽於心矣語畢即瞑海甯陳相國悲其志作呂孝子傳

李煥字其章汾陽人捐職州同知寄居孝義縣性慷慨見人困厄汲汲如己事尤篤兄弟厚鄉鄰雍正十二年兄燧貿易河南誤被獄牽連罪應遠戍煥聞倉皇變己產赴京得贖兄罪及歸兄有四男一女無產業煥爲之

撫養嫁娶煥有一子纔數歲置家塾延師訓課親友子弟之來學者煥悉爲具束修並給塾中子弟膏火之費於城西置義塚地六畝常蓄棺具布匹有不能葬給棺一具布一匹歷任府縣皆額表其閭

胡侃字介峰汾陽諸 遠近咸呼爲胡孝子父宗堯官

馬邑縣教諭憂歸 病累年侃侍養盡孝道鄉人咸爲之感動故以孝子之名歸焉侃聞愈益自責父歿後適 朝廷有保舉例知其行者欲起之侃以母老辭卒不就雖貧而仁於里黨於所居邨設教鄉人多敬信之

因條列公約數事侃歿後鄉人猶遵守之不廢

王敏字慧菴汾陽武生也廉潔自持值歲饑斷餐二日弟手白金至曰少易粟敏正色語弟奈何干人敗家風令持去嘗有督理事司出入事竣衆指餘金曰準財計費不宜餘殆君之物雜入其內耳敏曰諸君爲我貧意以餘金畀我公事不可實私橐嘗有友憫其困欲贈之金坐語竟日不敢出諸袖遠近咸呼王廉士生平勇於爲人性慤直衆以公事謁有司二日不得達敏至徑入陳衆方疑畏而敏辭氣慨然有司無以屈之卒如其請同學李某負屈繫獄敏與衆進於庭力爲辯理且罄囊

恤之事白乃已一友觸官長在縲綆親戚畏避而敏往來省視官長訪知其名不加怒也敏老而無子一婢自幼蓄之長有姿容或勸納以爲妾敏曰吾貧困何又重累少年尋有不惜三百金來購此婢者或以勸答曰貧吾分也恥因婢取財况不得其所彼之生死事大吾雖終窮弗忍爲於是卽爲擇一嫁之前時敏嘗徒步赴省試旅舍中遇一稚子被誘者走百里送歸其家則寡婦撫此兒忽失之正適急不欲生望見兒母子如獲更生願酬謝敏曰吾憐稚子無依耳何謝爲遂行敏狷潔多近義是以人嘖嘖喜稱道年七十有一卒送葬者塞於途

曹曰英字彥傑汾陽人少孤事母孝爲諸生有聲譽家素饒能推恩族黨賴以舉火者衆有張媪者於母爲中表姊妹媿老無所依養之終其身居鄉務退讓子學會偶遇老農語言不相下親詣毗舍謝失教不問曲直也縣境舊食附近土鹽雖行河東之引而不食其鹽惟輸稅於官謂之鹽稅既而設商價昂不便民且巡役肆行窮簷愁怨或至誣指平民私販其害不可究詰曰英與衆詣官白狀卒得請均其稅於糧而廢商民以不擾蓋居恆較較而遇所當爲未嘗懾懦有如此曰英與同縣

王敏友善敏極狷潔衆共呼之曰王廉士惟曰英餽粟
遺布敏無所違卻人或效曰英之爲輒復不見納曰英
生平重然諾與人交有始終卒年五十有一以第三子
學閔官鴻臚寺少卿 覃恩勅贈如其官階

郝之芳字炳青汾陽人歷官遼寧關縣訓導知山東之肥
城縣江西之瑞昌縣遷太僕寺博士改中書科中書陸
見日以同知用發往江蘇曾知江陰縣事數月因病告
歸其居官有廉操多惠政自少失父事繼母以孝聞與
弟之荃之芬友愛極篤兩弟亦念兄居官清正常輦家
貲所有至衙署以佐祿入不及蒞肥城縣值歲饑奉文
賑貸不少假手胥吏務於民實有濟及至瑞昌捐俸創
設義學又於忠孝節義祠旁建講堂課勵其秀民得以
造就者多人共呼爲郝公講堂

任元直汾陽人有孝行篤於友誼一友死周恤其妻終
身一友無子出貲財爲買妾舅氏歿孤尙幼經紀其家
數十年舅氏本富族而元直持介行尤嚴令出入楚楚
其居鄉剛正不阿又內行修鄉人咸敬之

呂文樞字象樞汾陽貢生好施與親黨貧乏者多賴之
康熙四十一年北城圯首輸銀八百以助發石之用
美之樞字廷礎汾陽貢生性孝友鄉人多重其行誼

蔡廣生字大敦汾陽人以歲貢生官忻州訓導性樸質
雖一言一行無所苟居家以孝友稱

郭建瑄字廷獻汾陽人弟建琦字希珍皆循循持禮法
以孝友稱父有疾卧牀第者三年兄弟躬侍不離側俗
尚浮屠治喪以作佛事爲孝瑄兄弟惟一衷於禮鄉人
往往化之母病目雖投藥腫痛不少減而瑄於前外出
琦憂禱宿壇次夢有告者曰舌舐可愈如是而自果愈
時瑄亦以夢治裝歸計其夕卽弟夢告者之夕也瑄念
府城考院自前明以來久不修且制未闕廡學使按臨
諸生童露立階下風雨之辰尤草草士無威儀考棚溼

漏或不能置筆硯乾隆七年請於官願獨任其費遂大
新之八年設社倉又輸穀千二百石十三年金川蠢動
縣之薦紳家有助餉議瑄琦則輸銀萬兩瑄以原職銜
議敘卽用知州琦得光祿寺署正而趙惠助餉銀萬兩
卞懷鐸助餉銀六千兩趙佷郭繼儀助餉銀各五千兩
賈鏡助餉銀四千兩張所抱助餉銀三千五百兩卞懷
繡卞懷錦姜模姜柏王愷田高助餉銀各三千兩趙愿
趙熹助餉銀各二千二百五十兩惠大成助餉銀二千
兩張書蒲助餉銀千二百五十兩張書堂趙應趙懋趙
恩趙維治李璋助餉銀各千兩張書思張書楠助餉銀

各五百兩二十四年郭建琦輸賑米六十石銀六百兩
張所抱輸賑米六十石銀二百兩賈誠輸賑米四十石
銀四百兩王愷輸賑米七十石賈生瑤輸賑米五十石
郭繼偉繼仲繼荃共輸賑米六十石銀二百兩李惠劉
宗邦侯恭各輸賑米三十石夏璋張書紳馮駟各輸賑
米二十石賈應輸賑米十二石王瑄李敬李發智各輸
賑米十石三十年以修城下懷凋下爾垣李開江各輸
銀千兩呂審燾輸銀八百兩郭繼傳輸銀六百兩張素
莊張素藩董忭舒夏璋各輸銀五百兩趙嘉泰武汝翼
郭繼僊張忱宋廣亨各輸銀四百兩賈白玉郭璜張錫
鵬張錫綸趙維淮馬周望張鵬飛各輸銀三百兩張企
仲輸銀二百五十兩侯柯張萬選任元第蔚凌雲各輸
銀二百兩張廷模宋永華李尙文各輸銀百五十兩王
承佑張書思田之芬封藩張瑗各輸銀百兩蓋咸勸於
建瑄兄弟之急公好義云

卞時庸字秉常爲人慷慨好義樂施予當康熙六十一
年晉大饑 朝廷軫念民艱發帑賑濟朱大中丞軾領
其事時庸慨然捐貲以濟所不逮中丞嘉之擬請於
朝固辭乃止遂鑄匾旌之越乙卯歲夏大水暴漲村人
多被災時庸倡議修堤乃出千金成其事人咸稱之

董輔汾陽人善處骨肉間爲鄉黨所重

李訓字誨公爲人必信必果與人交必以誠其與鄉人處必告以立身之常道不爲疾聲厲色故人皆信而愛之訓居屋傾圮修葺備工於壁中得白金數簋竊分之因分未均構爭訓知之因爭致事白之官李邑侯欲追還訓物曰此皆訓如所分者已經消用必致破家以償追數吾不皆德之歿後無論遠近人皆流涕

王光先汾陽人事繼母以孝聞有叔祖猷燦貧無倚事養之四十餘年如一日

魏桐蔭本名纘晉汾陽人乾隆壬戌進士初仕官蒲州府教授丁父憂服闋補朔平府教授擢知興平縣丁母憂起服知沅陵縣桐蔭所至有聲尤以廉操著

賈崇義汾陽人親族之貧者賙之無吝情所居村之北有舊渠年久壅塞側岸民田時被淹漬行者亦阻於溝淖崇義捐貲濬渠遂建橋其上鄉人德之

呂文玖字又陶汾陽人里黨中貧乏者時受其賙恤嘗賈於山東禹城值歲饑一老人鬻其幼子子悲號不忍離父文玖如其價爲贖之有鬻妻者已受錢六千給其妻至旅者妻知之大哭將行其子年已十七奔至持衣

哀號適文玖過予錢贖之縣令聞其事額旌之曰德心渾厚

馮際茂汾陽人康熙丁酉武舉知湖廣永定衛守備值歲饑多攘竊際茂曰此迫之不得已其情可憫急捐銀百有五十兩爲倡鄉之富者各視力所能多寡捐輸共踰千金買粟散賑又於各鄉設粥廠以安貧民

孫懋昌大相邨貧家子父老無依其母亦老矣至天津又無一人知所葬地徧詢之知其父與汾人張姓同事歸汾詢之張具言津民古萬蒼所葬懋昌再至天津則其地已爲大路

懋昌守路旁長號數日夜會錢大司農陳羣視學直隸路經此憐之具白縣官乃啟其地出棺數具懋昌齧臂出血滴諸骨試之最後一骨血濺之輒入懋昌曰是吾父也枕骨痛哭縣令肅公憐之白知監司給貲費返晉復移咨山西兩省臺司府縣俱額旌之錢司農復爲詩紀其事詩見藝文

任國任邑廩生幼繼其叔爲子繼父母皆早喪依其生父母居孝養備至得痿病二年口不言疾懼傷親心又厚於親族有表弟韓無依生竭己周之俾讀書成業族祖母趙孤寡生備薪水以供其乏其生平舌耕爲業而

施而不吝益出其天性然也

馮武臣字漢屏孝友任俠由貢生補山東定陶縣尉廉潔愛民以捕劇盜功遷奉化丞禁俗典妻溺女者歷辦海甯塘工攝蘭谿嘉興二縣事前後二十餘年所至有政績

趙鉅字鴻生性至孝七歲喪母哀毀幾至滅性鄉里咸異之及長好學能文補爲博上弟子員教授大雲書舍前後從學者三百餘人戊辰科進士程學孔乙酉科舉人程學會皆其自幼受業者也

劉選字萬青性慷慨好施予鄉里親戚俱量力周濟鄰人有年過六旬無子者家貧不能買妾卽出白金助之妹適吳氏無所出爲之經營衣食終身不衰

徐宏字仁度廩貢生性狷介動必以禮諸生有犯名教者卽親詣兩學稟明嚴治之鄭重斯文至今學者思之道光三十年重修

補遺

補傳五首

元樊宗禮字繼先邑之大相邨人至順元年河南飢入粟助賑官德安府稅務大使尋調汝甯告養歸與兄宗英創建卜山書院敦請名師成就後學宗禮性孝友偶

汾陽縣志 卷六
主
儻好施百口同爨無間言集賢大學士馮公勵爲作尚
義樂施記

明樊公友字以德宗英九世孫肫厚多善行所居近北
山夏秋雨潦山水陡發往往淹沒田廬乃倡建石橋引
以灌溉水患始息東毗連小相郵途仄不容車馬復與
相里朋騰孫進朋任明珍捐貲闢路遂成衝衛生平敦
友誼喜施予臨歿檢篋中借券數千金焚之曰無以長
物累後人子寬亦以長厚聞萬曆中重修卜山書院冀
南道旌其門曰世義

賈子現邑之賈家莊人宏治十年小王子犯潮河川遂
犯大同子現輸財助餉理餉侍郎劉大夏李介聞於朝
賜義官三員典膳一員旌曰和義之門

國朝姜調彝字子敘邑之小相邨人念差徭繁重窮氓
苦累康熙中捐金買田若干畝收租供贖化里十甲現
年公需名曰姜公田復捐重貲置義學義塚官道傍舊
建茶房以便行旅歲捐金助其費生平義舉多類此孫
附貢生夢熊又捐田百畝取其租以廣義舉曰篤親堂
恤族人之貧困者曰周急堂助族人之無力婚葬者里
黨稱之

宋復隆字重昌邑之董和村人性孝友撫孤姪如己出

姻連中李姓者其仇也及歿助棺以斂康熙中汾上連
年告飢捐米散賑或請上其事於官固持不可卒年九
入
姜之標汾州府志有傳列義行門較此所載爲詳宜補

續編

曹延齡字永年邑之太平邨人官平谷典史乾隆四十
一年調清苑單騎之任路出蘆溝遇牧馬者倉皇趨避
有驟負行裝雜馬羣中延齡曰此盜來物也策馬追之
急呼曰鼠輩攘吾行李將安往其人失色捨而遁檢所

載得白金八百五十兩皮衣數襲驅至常新店候失者
物色俄來一人狼狽叩乞蓋代州馮姓從湖廣北上者
詰所失一一脗合亟還之延齡性肫篤敦道誼告養歸
年逾七十迺卒嗣後邑人以拾金不昧聞者復有郭爾
榮張鳳耀武敏政趙文會任周紹等郭爾榮亦太平邨
人北上道出保陽路傍有馬負裝逸牽至旅舍物色之
則浙中張姓行囊數百金將攜歸爲完娶貲亟還其人
張鳳耀邑之趙景王村人乾隆丁未赴郡城經禹門河
口見有囊橐然發之凡八百金囊書汾郡錦恆號字翌
日載而歸其主有司旌其門曰尙義可風武敏政邑之

萬化堡人其子得遺金百兩於路側命訪其家歸之趙文會邑之古賢邨人家貧傭作得遺金數十兩乃西陽城可姓物也坐路傍候其人來歸之無德色任周紹邑之石家莊人鄉飲介賓嘉慶庚辰嘗於路側得孫大臺梭布絲線一駄訪還之人頌其義

侯敏邑之西河堡人監生事母篤孝同懷兄歿遺孤穉撫如己出乾隆中汾水東徙捐千七白金築堰衛鄉里堡西傍文峪河復濬渠引水以資灌溉瘠土盡成沃壤嘉慶九年旱災煮粥餉餓者嗣後邑人以建橋修路築堤堰諸義舉聞者復有李蒼張德威劉廷錄任開運賈

生瑋張周諸人李蒼亦西河堡人捐職州同嘗捐貲建文峪河橋以便行旅張德威字松庵邑之城西門人官醫學訓科花枝邨與石家莊連界之北道路險溝深繼以淫潦行人愁嘆嘉慶五年建東西二橋名曰惠濟二十二年復增築之先後費千金劉廷錄字采勛邑之仁岩村人監生喜周貧乏負債不償者焚其券所居臨河歲修堤堰又伐所植木爲橋梁之用任開運字良侯邑之盡善邨人監生性孝友族人貧困者給田養贍之所居堡門被水患捐貲修繕完固賈生瑋字韋玉邑之金井邨人監生所居毗連太平邨賈家莊地故卑溼入城

車道雨雪輒苦泥濘每歲鳩貨修之張周邑之張家謙
場人邨東門及堡牆就圯捐多金築之生平喜提挈善
類一鄉推重既歿猶念之不衰

劉子元字輪一邑之馬寨邨人乾隆癸卯舉人官隰州
學正所居馬寨邨地勢故卑嘉慶初迭被水災又因差
徭一鄉幾不聊生子元慷慨詣縣具牒陳其事獲免本
里雜派里人賴焉又嘗嚴冬郊行見窶人踏冰而陷淹
淹待斃急救出之後于役平水獨行涉險有來導之者
得坦途未暇叩姓名遽去既而憶其形貌即向陷冰人
也

魏蔭楷字孔林邑之大相邨人諸生安貧力學篤老不
衰言信行果有古狷士風設教卜山書院循循善誘多
所成就書院與佛寺鄰或欲假書院地址建佛寺照壁
蔭楷力持不可事遂寢後有人復興是議其門人樊大
鵬樊澍芳仍引前事沮之

馮大觀字孚若邑之羅城鎮人歲貢生官大同府學訓
導沈靜澹榮利生平無疾言遽色年逾九十矍鑠如少
壯時從子開圻字京輔 恩貢生善事繼母與諸弟白
首無間居恆以學守自勵與人交恂恂然惟恐或忤即
或以非禮相加亦婉謝不與較鄉人化之

馮立績字建侯邑之羅城鎮人道光十五年舉人父凌
客京師以事被誣就逮立績倉皇北上百計拯之冤卒
不伸侍父徙定襄尋歸里舌耕以養曲意承歡里黨稱
其孝性肫篤絕口不臧否人物而心鏡朗然制舉業得
牆東老人家法講學授徒多所成就卒年七十三及門
爲立述德碑

呂成鐸字振風邑之宏寺邨人父病歿新雄營遺骸未
返徒步求之請諸官屢發義塚枯槽滴血弗能入有瘞
者其父執也導示父壙滴血試之果合遂負骨歸人稱
呂孝子

王純臣字廷魁邑之大王邨人監生多長者行能以信
義服人賢聲徹遐邇嘗夜行攜重貲遇盜純臣自述姓
氏羣盜驚愕遁去人多異之

李師程字景顯邑之羅城鎮人捐職州同知性長厚兩
兄早歿撫諸姪如己出早歲行鹽南皮折閱殆盡諸姪
固請析居不得已從之後家稍豐復爲諸姪營居置產
費多金無德色尋應募行鹽河東暢引緝私殫精籌畫
大吏重之嘉慶十年十一年旱災散賑里門子寶元字
涵初捐職遊擊尙義樂施陳媼者貧苦無依繼父志養
贍終其身友李姓者習計然術付以千金不數年立耗

待之如初易簣時囑諸子焚借券二千餘金仲子富元字嵩年議敘知府負幹濟才臨事識大體汾上義舉每出重貲爲閭邑倡鄉人德之

馬萬選字青臣邑之冀邨鎮人監生敦龐尙義邑中公事往往捐重貲爲士紳倡里人嘗再遺嬰於其門撫育成立無異己出以子錦文貴封奉政大夫

何爾聰字達四邑之東郭廂人諸生生有至性爲繼母所虐事之益謹日夜號泣病嘔血卒人稱其孝

武鎬字興周邑之東南里人有至性事祖母及母篤孝鄉居多義行力所能爲不少懈尤留意根本先世有知

延川縣事者以德政聞相去百餘載猶傳頌至汾上誌之苦無據躬詣其地尋舊蹟題詩署壁以紀事臨歿著遺訓二卷誨其子弟詞義剴切識者比之顏氏家訓袁氏世範卒年七十三

馬開彪邑之望春邨人捐職從九品慷慨好義女夫王天祐者客遊不歸祖母歿不能葬父母亦窮困無依開彪恆周之無何女夫之父母暨女相繼歿開彪力任殯葬捐重貲不少客所遺弱息亦撫之成立人多稱之

李殿英字俊選邑之董寺邨人捐職千總少孤事祖母及母以孝稱長厚敦古誼三黨六姻待以舉火者衆嘉

慶十二年汾陽旱災捐粟散賑里人頌其義

原天理字協純邑之東石村人捐職衛千總肫厚多長者行與弟天堯友愛綦篤生平慷慨慕義以救困扶危爲己任其友祁人羅彰字者歿後無子遺一女族人欲據其產天理力爲排解且爲之立後患始息羅女幼與翟氏子爲婚及長翟染惡疾同邑武舉溫某窺女美且覲厚奩賄媒聘之復揚言女父在時夙有成約天理密囑翟速行親迎禮溫猶不悛率衆將劫於途天理亦具多從躬送諸門溫知其有備也迺遁羅女卒歸於翟張秉貴字天爵邑之盡善邨人監生居鄉喜排難解紛生平多義舉

李文顯字廷揚邑之栗家莊人事母趙篤孝少孤貧服賈織輔少有積卽歸里作養母計母卒春秋祭掃必號呼痛哭如新喪時鄉里推重之

姚鍾山字秀峯邑之聶生邨人敦名義好施予嘗修所居村堡牆捐至五百金六十歲至八十歲每當懸弧日輒以錢米資里門之孤貧無依者既歿里人猶思之

韓亮浩字子深邑之西堡莊人性靜默自奉儉而推解不吝人或負不能償屆元旦則焚其券木工張某子亡孫稚出積貲相託爲之權子母或折閱必補以己貲曰

不如是不足以對亡友俟其孫長歸之贏至數倍臨歿預剋死日卒年七十四

閻恭字子敬邑之大南關人剛直好施予有陳樹者苦貧迫其婦改適恭厚賙之俾獲完聚出重貲葬郭大信父子三柩人多義之以鄉者 恩賜八品頂戴卒年

九十三

任承綆字錫肱邑之盡善邨人捐職翰林院待詔性通敏識大體生平孳孳爲善任公事如己事所居臨澗河築堡牆以捍水患一鄉賴之嘗客遊山左友人病於旅次予資斧助之歸及歿復捐貲助喪費人多頌其古誼

張宗植字靜亭邑之成家莊人束身勤約雅重讀書延師課子館穀外多所優厚子弟彬彬儒雅遵禮法有聲 賢序間

張思全字其哲以字行邑之羅城鎮人父永誠客遊楚北去半載而其哲生未幾父歿於旅次其哲長謀歸父喪子身徒步兩足腫潰不復顧至則古祠中朽樁纍纍父柩不可識呼天哭禱倦極假寐夢中恍惚若有所睹亟起詣叢柩前諦視果得父里籍名姓啟之與夢中所見形貌無少異迺慟哭扶柩歸其哲性朴誠落落與世寡諧里居訓蒙自給鄉里重其品行

李立倫字振五邑之村邨人性醇樸好義喜施濟一鄉多賴其調恤道光壬辰霜災告飢道殣相望立倫請於官分大小口捐米放賑以明年二月起四月止全活災戶無算治家有法教子尤嚴諸子皆克自樹立爲鄉人所推重

李萬清字馨字寶元子軍功議敘千總性開敏具識度治家有法與人交肝膽相向推解不吝輕財尙義生平多善行所居羅城鎮刼建義學延師授讀多所成就預修卜山書院擬闢門向離以振文教功未竟遽卒囑諸弟竟其事其歿也盛年殂謝年不副德士林惜焉

光緒十年續修

補遺

王錦堂字繡君

北郭人

年六歲父世錫幕遊甘肅母徐氏

撫之成立與兄友于相篤依依母膝下越數年兄之山左服賈錦堂方從師讀遽棄書爲邑典肆傭以養母家稍給而父音耗久絕錦堂年已三十矣一日具衣冠拜母長跪請曰天下無無父之人兒蓄志有年今已馳書白兄兒將往尋父無阻兒行母察其志不可奪許爲治裝越旬餘授以半臂衷衣一雙手製履二輛曰衣角內縫有碎銀在汝緩急得父耗即迎歸倘留滯見履如見

我也泣受以行母送之閭又送之巷又送之里門瞠目
伫立錦堂忽泣然反曰兒不行矣願奉母也母氣噎哽
咽久之曰汝乃中餒耶第行毋戀我掉頭歸錦堂大慟
去觀者皆爲垂涕顧生平未嘗遠涉不知途則向西行
及陝聞父在皋蘭之皋蘭聞父在瓦岡之瓦岡則又無
耗迺復之皋蘭中途聞邑人王某方權平涼府事適在
省垣前曾函懇代訪父蹤迹者也乃疾往叩之則父歿
已數載尙厝河州山西醫院側亟往徧迹之一冢立石
書父名啟墓棺已腐嚙指滴骨驗之血滲入大哭絕聲
出衣角碎銀市棺殮之扶柩歸葬方趣皋蘭時失路日
暮投荒店寢突有賊攫其囊驚起持其臂曰某以尋親
至此願垂憐賊怒出刀擬頸復哀之曰囊中物可將去
內有履是母手製乞留之賊憫其誠捨去一日渡至中
流落水迷罔中覺有捉其髮者比醒已在岸瓦岡道中
煤壇山險絕積雪及肝乃以被蒙首拳曲滾身下竟無
恙

張振漢

西官村人

富於學饒於財好善樂施乾隆閒捐餉助

軍大憲以聞議敘州同銜振漢嘗設立義塾薪水自
給二十餘年講課無虛日從遊者前後二四百人沒後
門人不忘其德勒石於村之西北隅曰義學碑邑孝廉

任齊賢撰文

張五德西官村人嘉慶戊午武舉喜施與遇困苦必恤之己未會試北上宿於獲鹿旅舍有鬻子債債者出金代償之其人叩謝而去孫應甲道光甲辰舉人

任兆德石塔村人

太學生多盛德偶過衙前見有壯年被繫詢之乃本村某因竊獲案兆德設法救之又家中被盜燭視之識其人不忍敗其名節反贈以負販之資二人皆感激過分立改前轍感馬某病故南楚獨力助金歸其櫬復撫孤成立

那時中字可權路家莊人

貢生生平足迹不履公庭樂善

施親朋有告貸者概不書復嘉慶戊辰歲饑獨力賑濟村人欲立碑記功時中堅辭之

續編

馬萬海

平陸村人

捐職州同銜家小康慷慨好義習外科手

製藥餌有延之者風雨晦明立往輒視所患予以藥食客履滿則顧而樂之畜騾馬十數頭置外廄供鄰里騎載往往已出無乘反步行也又嘗置茶鑪鑪火於廳事任人取飲其鄉比之孟嘗平原云

何允恭字禮山

本城人

諸生父業賈家寢饒父卒兩弟並

繼母出性揮霍允恭阻之不得乃聽之由是家中落允

沙陽縣志 卷六
恭食貧無怨色母性僻允恭事之益謹年六十猶勤劬侍養妻亡不再娶竟以勞瘁卒友人侯毓楠爲詩弔之詩曰少同硯席記天寒我著棉衣君著單肌膚凍裂不敢語耳日衆著誰能攔上堂調羹下堂讀非君親手固不食亦可見母氏虐遇之大略又曰白日投徒夜挑汲宛轉支持爲門第云云

李二真字安寶上堡村人捐貢以勤儉起家咸豐中大饑輸

米十石賑其村邑令尋募貲濟荒姪芳春家已不裕亦列名上戶二真代任之異母姊已適人夫家貧欲分父遺產立予五百金無難色二真精賞鑑工臨摹酷嗜名

人筆迹初無嗣晚年側室舉三子長慶春文生次昌春武生

高廷璽字觀宸南郭人捐職布政司理問銜幼業儒父命

改服賈居父喪擗踊哭泣聞者哀之兄廷蘭南遊數年不返母念之而未發即寄貲延之歸嘗就業典肆力矯奢靡習同事某疑其苛銜之會病家居數年廷璽至舉千金有奇昇之某驚問故曰此數年來撙節所致君應分得者也某大愧服

段嶠字玉峯南郭人廩貢生有至性年十五父患瘍朝夕

侍病篤恆背面嚙而愉容以對越兩年父歿瘠毀既葬

赤貧或勸之業賈曰段氏世繼書香今八葉矣不可自我而斷迺訓蒙養祖母及母甘旨無虧自啗藜藿晏如也祖母暨母相繼卒哀泣如臨父喪仲兄翠峯歿逋負多館穀稍裕悉代償之以己次子為之嗣事孀嫂無失禮家事必咨白而後行族叔某死貧無以殮力營殯葬族弟某幼喪父母賴以成立措貲俾業賈凡諸義舉皆拮据而力成之至老不倦

薛士彥字邦之宋家莊人年踰六十猶為母滌褻服妻女欲代之不可曰我之於親分也嘗慕老萊子事時作兒童態以悅其親

王安年南垣村人幼喪父家貧力田養母光緒二四年大禮日不舉火見其母輒痛哭母卒或遺之食不食亦餓死成朝國字觀光望春村人父母早世有弟二人家小康自奉儉約施與不吝邑人欽其行舉辦團練賑務無廢事邑侯給匾旌之

賈慶二字接蕃羅城鎮人重然諾喜解紛鄉鄰事有危難者嘗傾囊助之坐是家中落而志不少懈其鄉為立善行碑

李清寶字惟善馬寨里人賈於山東其族兄某故饒商俾入肆司筭鑰勤慎不欺兄某貧時周之弟清珍早世弟婦

得以守志撫孤皆其力也

任光祖字耀庭

小相村人

幼孤廢學長始折節讀書府試冠

軍尋補弟子員年五十援例授教職署應州儒學歸闕

書舍蒔花畜魚窗櫺几案位置出人意表日集知名士

觴詠齒高者奉几杖如先生稠坐中辨論閱肆四座傾

靡性慷慨能急人急顧嫉惡嚴每面折人非又嘗臚列

村之大猾以聞於官匪類憚之或亦咎其多事遂杜門

者十餘歲卒年七十有六

張應恭

西官村人

血性過人所居宅有樓三楹祀其先同治

間比鄰火延及樓戶牖已燬突入抱木主畫像出面目

鬚眉盡燎觀者駭異家本小康咸豐以來嘗慷慨助軍

餉兼喜施予遂窮光緒三年饑當事設賑編入極貧應

恭不可曰吾不克助賑乃領賑耶日飲孟水餓死

常天樸字志純

本城人

勇於為義事孀嫂程氏三十餘年

無失禮咸豐元年為之請旌得如例視姪如子婚嫁

悉任之子毓珍咸豐己未舉人官興縣訓導天樸得

贈如其官

武殿儀字相臣

南郭人

捐職同知銜世業賈擁厚貲軍興

以來輸銀助餉至五千兩有奇得議敘如例道光癸巳

歲荒輸米數十石錢百緡以賑咸豐庚申歲荒亦如之

族戚之無告者歲有常給鄉鄰婚嫁失時者有求立應
郭北門外橋梁暨郭之三聖廟黑龍廟東郭之關帝廟
皆其倡捐落成子孫至今蕃衍

李太舒大相村人事母有至性母喜亦喜母怒則大戚百計

承歡兢兢恐弗克當意娶婦失母歡母逐居別室無怨
色日侍母側窺意旨出告反面未嘗少閒

賈槐上堡村人質椎魯不能讀書乃習買父歿於外槐擗節

所入貲隻身往扶柩歸葬商侶賢之益資以金俾設肆
張家口家遂小康子婦王氏事跡詳列女

孔某上堡村人佚其名少讀家貧嘗傭工養母及孀母雖傭

而舉止儒雅重之者輒稱之曰先生妻歿不再娶無子
無兄弟宗親道光十二年大饑日扶母及孀母就食賑
所不足則以己所得賑食之己或累日不食竟餓死

任繼修字六全上堡村人知醫叩門者踵接性狷介未嘗妄

取好潔成癖闢斗室匡坐默然數十日不出出則狂歌
痛哭或大笑遊賞亦恆數十日不返人莫能測

王元攸本城人幼即以孝稱長遊山東咸豐中曹州府士

匪滋事首倡捐助團守費事定當事敘功力卻之姊之
夫死子僅彌月家貧元攸迎姊同居資其衣食垂三十
年甥既長始奉母別居邑人高其行舉鄉賓以榮之

王作賓字滌勞西河堡人諸生幼喪父事母孝家貧與妻啗糠粃以甘旨奉母怡怡承歡終其身母忘其貧

任松年字壽菴小相村人訓蒙養母母年已八十餘矣倚之如左右手

任榮宗字耀先義豐鎮人從九職銜樂善好施戚族賴以舉

火者甚衆村中廟宇多所繕葺

閻恆俊字秀廷冀村鎮人幼業儒改習弓馬入武庠饒於財

以助川楚軍餉授副將銜賜花翎老年總理社事鄉

曲推重郡守給匾表其閭

王大義字宜祥向善村人堡牆圮鼠竊常窺伺道光中大

義獨力繕治村人賴以安枕又嘗平道路修津梁有善人之目

趙心遜字謙光南郭人弱冠遊東口貨殖稍積餘貲輒引

退課子孫讀書前同事貸己多金對之焚券無德色居鄉然諾不欺有無與其多義舉今其子若孫舉貢生員

一門人文彬彬繼起

田晉綬斬屯村人父世雄有欠債數百金而債家子弟未知

臨終謂晉綬曰吾生不能償此債汝能償之吾得瞑自地下汝則爲孝子矣晉綬泣而記之儉衣節食冀積蓄

以償還忽遭疾強起邀親友醫所有歸債家而卒

田美成

董家莊人

客京師光緒三年回籍時值饑饉出錢百餘千以濟貧囊事者請書名曰非己出也乃外省好義者所施僅書無名氏足矣

趙景泉字石友

喬家莊人

性謙和敦孝友事伯母如生母仗義輕財里黨中貧不能婚葬者傾囊相助無德色好與名人文士遊子弟皆彬彬有禮

原心哲

東石村人

少孤鮮兄弟克守先業胞叔某心哲父在時曾授以三千金不能守後復仰給於心哲叔卒遺妻及子心哲撫養之每歲終擇里中貧者量所需以周之王新棣字儀亭

演武鎮人

諸生多昆仲孝友一堂和樂無閒

家務巨細獨身任之不使少累諸弟故得專心讀書新

楷新榮皆領鄉薦新業亦累薦未售

張玉榭

三泉鎮人

有孝行繼母任遇之虐玉榭謹事之生平多善舉所居堡牆傾圮同治八九年閒歲收款薄率眾興作以工代賑

魏慶林

小羅城人

其父訪友於川不返慶林年幼念父無耗輒泣下及長步行巧食至川始知父歿已數年矣乃負遺骨以歸

陳自新

羅城鎮人

諸生事母曲盡孝道母出入必親扶持不離左右見者輒稱羨之謂不愧讀書人

殷肇和

栗家莊人

事母孝化妻訓子以隨母意人無閒言

武廣林

北莊人

未嘗讀書而端莊慎重有讀書人所不能

及者少遭叔母陷害幾不免後卒不言及

趙賢棠字春瑞

喬家莊人

增生事親孝與人交尚義氣有求

必應人德之卒殯之日比戶皆設香案可想見其爲人

王正寅字敬時

南郭人

增生有孝行母病有明醫張喬者

親身往延值張亦病凡三往未見正寅依門而泣自辰

訖未不肯去張感其誠力疾往投以藥餌病頓愈因念

事親者不可不知醫遂學醫於張正寅後亦精於醫

王毓椿字永年

南郭人

性慷慨喜施與嘉慶十三年饑倡

捐賑濟戚里鄉人德之

王洪位字聖寶

仁岩村人

諸生重信義與人交始終弗渝少

卽嗣其伯某事嗣母尤謹先意承志惟恐不得其歡心

次子樹芳亦篤於倫理母以時艱人衆命兄弟析居樹

芳以祖業讓諸昆季廓如也

馮登仕

羅城鎮人

附貢生天性肫摯事嗣母以孝聞嘗就商

於汴之懷慶閒有杜某者積貲乏之嗣族人爭產者獄訟

不息杜就登仕求方略登仕曰天地生財所以養人非

徒以自養知聚而不知散能禁爭端之不起乎爲君計

莫若選擇立嗣疏遠者分潤之杜從其言訟遂息後登

仕積有餘貲即以告杜者自處臨歿遺產令子姪均分之

李天茂

西河堡人

捐職千總家素饒見義勇爲道光三十年

河水暴漲兩岸崩陷村人李深林之先塋冢墓十數將

沒入水無力遷徙天茂解囊覓人買棺遷葬其他義舉

多類此

李景德

韓家橋人

公舉介賓性純孝常以辱親敗名爲懼取

與不苟人咸敬服之孫述琴邑廩生

呂世棟

蕭家莊人

膺正八品銜行敦孝義堂伯呂謙無子甚

器之擇以爲嗣與胞兄世泰世恆共懋遷後二姪失業

舉號中所有盡畀之

趙宜均

東官村人

諸生晨出見道旁有女金冠一拾之以歸

知必有尋至者出戶探望果有倉皇而來者詢知爲遺

物人欣然與之無德色

趙祿

栗家莊人

慷慨好義不蓄私財兄弟六人祿獨力支持

門戶無難色

張秉鈞字舜卿

池家莊人

歲貢生光緒丁丑戊寅閒歲大禳

村中老幼日集其門待以舉火秉鈞出己貲復力勸捐

輸依期以賑人德之

張廷全

青堆鎮人

捐從九品職少孤嗜學家貧力耕後訓蒙

於村多所成就鄉人義之

王日躋大王村人附貢生事親愛敬兼至父寢疾服藥先嘗

時侍左右父歿哀毀骨立三年夜居外室

韓大年字椿庭西堡障人膺衛千總銜事親孝與胞弟孝廉

昌年尤友愛同居數十年無少隙家政巨細獨任使弟

得終身不問生產事弟嘗語人曰吾得以盡心課讀者

賴有兄耳

劉步月字桂芳協和堡人議敘武德騎尉性敦厚好善事繼

母孝處同事能讓財欲使無內顧之憂次子中孚附貢

生保舉孝廉方正

郭建人字肇遠北辛安人品學端方識大體父患癱動必需

人建人侍養悉如其志同治庚午辛未號河決邑令朱

委建人經理修築渠堰閱兩月而告成因以勤勞任恤

額其門

呂憲會蕭家莊人諸生事親能盡職臨財不苟剛方端正鄉

人推爲人望

張合文義安村人捐守禦所銜有孝行年十餘歲時父久臣

終梧州合文聞信大哭即欲往扶其柩其母及親友以

年幼家貧勸止之合文曰父沒遠方不即歸葬何以爲

人毅然獨往至粵覓父柩歸舟至張家灣舟人索值而

囊金已空沿岸行思忽聞有汾人語音者問汝何來舍
文以實告曰孝子也所需無憂卽解囊與銀數十兩始
得歸惜不知給金者爲何人

梁鈇蕭家莊人諸生其兄銑好事鈇朝夕泣諫不納會其兄

失事逮獄鈇奔走京省百計求解後言及其兄輒爲流

涕

李夢昌康家堡人歲貢生有孝行父早逝奉母甘旨無少缺

設帳他鄉不數日輒往反省親無閒寒暑

王世耀蕭家莊人設小肆拾得本村人錢票三十千後其人

尋往慨與之失主欲以錢數千相酬不受乃以拾金不

昧匾遺之

張振龍字作霖普會村人貢生生平扶危濟困無德色族祖

百温年老乏嗣納寵無資卽籌金助之後果生子友人

張九星病危以家貧子幼爲慮振龍以身任之及九星

卒而衾櫬已具其家人尙不知也

張振鳳字儀成振龍之弟監生品行端方急公好義不

憚勤勞里人以德重鄉閭匾其門光緒己卯邑令請

恩加六品銜

李蔭棠小羅城人侑生好讀書精小兒痘科遠近延請日夜

無少暇活人無算山長胡蒼巖嘗曰先生閭君也能定

生死神乎技矣著有祕藏痘科集一卷子維濬咸豐辛亥副榜

呂耀堂

蕭家莊人

監生家貧好讀書性至孝年艾無子里中

授徒產日消稱貸日多同治壬申鬻田得數十金債盡償舉先人木主葬祖墓已像於庭焚紙奠酒闔扉而去不知所終壁上題詩云日去紅塵北邙路上行在世二萬七千零九日少他人半分文之語

車任重

下堡村人

本窶人事母至孝得其歡心愛慕如嬰兒

劉學義故廚役嘗傭於邑貢生田夢旛家夢旛官武昌經歷攜之往後夢旛卒於官無子家貧糲不得歸學義

日夜哭水漿不入口同官義之醜貲助之適以柩歸

任氏之廝養僕曰王廷柏任氏盛時服役無少懈任氏貧反飲助於廷柏所需立應或阻之曰昔受驅使今尙之可乎卒不倦又李氏之僕曰侯毓寶幼喪父與兄同居事母妻稍厭薄欲出之李氏諭以不可乃止後其妻化其行卒以賢孝稱

捐輸姓氏光緒二年大禮凡捐輸者俱徵義氣王燮王森王澐各捐銀千兩水磨行捐銀千八百兩青龍麩莊捐銀壹千零五十兩段爾顏閻恆俊各捐銀七百兩閻永安閻如川各捐銀六百五十兩在城糧行捐銀五百

六十兩劉存信捐銀三百六十兩武紹高捐銀三百五十兩成朝國張廷杰王世鼎各捐銀三百兩李玉海李性齋各捐銀二百八十兩顏述仁馮萬福各捐銀二百五十兩孔傳偈張林儒各捐銀二百兩李玉渤捐銀百六十兩和光李耀春李景槐各捐銀百五十兩左端捐銀百四十兩李朝選捐銀百三十兩武維淇捐銀百二十兩馬世裕王之彥張熹閻泰元各捐銀百一十兩張淑顯白文超王訥張鳴泰劉鳳彩馮政白清杰任英雲趙善昌李培芳傅永清趙慶年張叔厚王振靈劉兆森馬錦文孫光盛狄遺園全盛油店久成泰光裕成四義

誠永茂公豐泰油店永益當永瑞當全盛當長春當裕生當裕隆當義源亨永源盛各捐銀百兩賈錫輔魏應昌任明睿趙泰庚各捐銀八十兩賈在霄捐銀七十兩任榮睿捐銀六十五兩孫能盛元昌當長瑞當各捐銀六十兩馮勳捐銀五十五兩田治開程元柱任殿魁日新成廣豐源洪興吳豐錦當義魁當二和當大興當公茂當萬鎰當魚淵當永豐當日增當萬成當麗成當宸恕當日升當恆興當增善當義錦當玉瑞當居仁當永和當各捐銀五十兩田沛霖捐銀四十五兩趙泰保王維二馬汝觀劉繼唐趙汝瑄田顯華王懋勳田治元各

捐銀四十兩王友信宋思信賀慶春馬天保田有玉武
全芝之張三槐張殿啟張慶堂各捐銀三十五兩田文煥
田文玉李懋權宋悅賢田慶觀陳乾郭君亮宋澍公益
當各捐銀二十兩慶餘堂捐錢四百千三公堂段捐錢
三百六十千李培芳捐錢二百五十千孫能盛梁維二
各捐錢二百千劉步元趙賢檜蔚山秀段廷鏞各捐錢
百五十千光裕堂捐錢百三十五千白文超捐錢百二
十千王維成王尊亮孫得恆孔傳偈四豫和和豫泰各
捐錢百二十千萬鑑當捐錢一百零四千王燮王森王
灃王錫祺王宣誥王厚王之彥成朝國趙善昌李春圃

三山堂郭居仁當永和當德泰成慶泰長各捐錢百千
朱咸鉞魏世湄侯殿魁公茂當各捐錢九十千王治國
任復初任葆初福元和泰吉亨積玉成祥泰成各捐錢
八十千福善堂武劉安泰各捐錢七十六千李玉珍捐
錢七十五千張根森謙忍堂義和店各捐錢七十千席
鴻膺捐錢六十八千王步堂董會泉各捐錢六十五千
任英雲房寬恕各捐錢六十二千李二元喬國銘宋咸
和宋永和任明睿顏述仁王良傑高蔭棠樊希盛五福
堂日增當景源聚三餘慶萬慶隆二元協恆各捐錢六十
千魚洲當捐錢五十八千薛玉瑞捐錢五十七千裕興

厚三和恆光裕西公興裕發聲雷光發祥恆裕成世昌
和恆升德東同心集義成永泰岐光裕洪萬盛油店餘
慶堂韓程元柱各捐錢五十五千張鳴泰捐錢五十四
千和盛店捐錢五十二千孔廣文捐錢五十一千王兆
成魏福貴杜錦璋王懋勳王紹勳成恩祥郭清安杜福
林褚恩綸閻定唐范連元孔廣齡張淑顯宋悅賢張和
順魏應昌田顯華李樹滋協和當協和興協和成萬成
當麗成當日升當宸恕當豐錦當裕豐厚五美堂侯義
錦當各捐錢五十千薛際春捐錢四十七千李福源捐
錢四十六千馬胥宇侯瑜蔚郭氏張應錦慶和樓各捐
錢四十五千孫存倉閻復元增善當各捐錢四十二千
孫志喜趙泰庚荆榮堂馮發榮蔡昌齡郭履貞楊國璽
杜錦琳李世安李有章禹王廟張林鵬白海張騰雲九
如恒萬美店大盛魁聚茂隆天豫昇天和德聚成德協
興盛允成局三成居二一合堂劉希端馮源裕張有慶相
里萬富樊中多任其煥彭汝敏八成泰閻如梅閻太庚
三公堂李李景槐武慶元武開世秦武慶任昌茂李文
元任汝鴻姜佑清王桂澄李衍疇廣盛泰義成泰閻太
儒王益俊任鈞傳李景椿李義宋步楨各捐錢四十千
宋懷章捐錢二十八千王文書萬和長各捐錢二十七

千劉爾楨賈士英元隆公元昌公天成元二盛號賈肇
凝各捐錢二十六千王泗蘭馬秉公蔚步宗天豫泰源
順店公合長聚茂德二義成隆盛居德隆成玉昌公復
裕興杜學信王玉堂師瑄光裕永天慶公義厚長增盛
公文一善劉興和李廷官各捐錢二十五千張調元劉
遇祥崔肇芳義盛源恕林堂各捐錢二十四千劉滿庫
任蔚雲張應祥各捐錢二十二千李秉鑑捐錢二十一
千樊集成捐錢二十一千五百馬際明張夢周劉存信
高爾恆張富財宋九鰲弓獻慶李本先王國安高致和
劉正化張廷英張大根張傑秦茂榮田惠榮崇德堂任

德凝堂任武全芝之王天錦萬源泉李茂文李慕圻李成
章馬恩裕李清桂李正芳李際昌李生瑜德茂公吉祥
誠武永昇長春圍德玉成天錫成王萬宣永興成全盛
和張步良任象謙尤世宏公義成興義和呂丕茂韓兆
林趙承昌王作京武九錫田其秀劉世選李承先武慶
和宋士蘭義魁當二和當嚴正仁閻鉅錕李逢澄李廷
槐王步陞王宏安二益堂呂浩川呂樹槐梁國勤趙習
讓永源成孫富盛司爾振侯濬劉安富武成富大興當
張玉連任振綱張縉降文祥孫積餘各捐錢二十千其
有捐銀未上三十兩捐錢未上二十千者不及備錄

3609



3438

卷之八

五十一